



家傳諸症虛實辯疑示兒仙方總論目錄

一卷

發表總論第一

● 發散傷寒最難第二

● 發散麻桂不可輕用第三 ● 傷寒當汗不可汗第四

● 麻黃桂枝不可誤用第五 ● 仲景辯用桂枝麻黃第六

● 婦人不可一例發汗第七 ● 諸病不可汗當避麻黃第八

● 傷寒不可以火劫汗第九 ● 誤汗過多舌捲不可能語第十

二卷

傷寒攻裏總論第一

● 大黃已豆不可輕用第十二

女東雲子六同第十四



● 腹痛有虛實不同不可一例用藥第十五與卅五廿八章參用

● 頭痛有虛實不可一例用藥第十六

● 口渴有虛實不可一例用藥第十七

● 四肢疼痛有虛實第十八 ● 自汗各有虛實第十九

● 傷暑自汗第二十 ● 傷濕自汗第二十一

● 溫濕自汗第二十二 ● 風濕自汗第二十三

三卷

● 嘔惡有虛實不可一例用藥第二十四

● 吐痰有虛實不可一例用藥第二十五與卅五章參用

● 咳嗽有虛實第二十六 ● 塞噎第二十七

● 刺脇有虛實第二十八 ● 咽喉痛有虛實第二十九

● 齒痛有虛實第三十 ● 泄瀉有虛實第三十一

● 結胸有虛實第三十二 ● 中脘停痰第三十三

● 痰症上壅有虛實三十四 ● 氣痛有虛實第三十五

● 疝氣全虛第三十六

四卷

● 吊腎氣全虛第三十七 ● 大便秘結有虛實第三十八

● 小便秘難有虛實三十九 ● 足膝痛有虛實第四十

● 脹滿有虛實第四十一 ● 蠱脹第四十二

● 腫脹有虛實第四十三 ● 水氣腫有虛實第四十四

● 腹內堅癖第四十五
● 似癆症第四十七

● 黃疸病第四十六與九十二條參看

五卷

● 真癆症第四十八
● 咯血有虛實第五十
● 鼻血有虛實第五十二
● 大便血有虛實第五十四
● 中信毒第五十六
● 氣淋有虛實五十八
● 吐血有虛實第四十九
● 嘔血有虛實第五十一
● 小便血有虛實第五十三
● 中蠱毒第五十五
● 急喉風第五十七
● 石淋有虛實第五十九

六卷

● 二瀉渴有虛實第六十
● 夜夢遺精有虛實六十二
● 濁症有三第六十四
● 黃濁第六十六
● 男子脚瘡有虛實六十八
● 男子煩人遍身脫肉七十
● 腰痛有虛實第六十一
● 滑泄第六十三
● 赤濁第六十五
● 煩人脚瘡有虛實第六十七
● 煩人遍身大瘡發陷六十九
● 治桃生第七十一

七卷

● 心痛有虛實第七十二
● 翻味吐食第七十四
● 噦症有虛實第七十六
● 鬼箭第七十三
● 鼻血有虛實第七十五
● 咳嗽有虛實第七十七

喘急有虛實第七十八
悸証有虛實第七十九
渴症有虛實第八十
振掉有虛實第八十一
戰慄全虛第八十二
厥逆有虛實第八十三

八卷

鄭聲全虛無實第八十四
誦語有虛實第八十五
氣短有虛實第八十六
瘵癢有虛實第八十七
目直視有虛實第八十八
自刺有虛實第八十九
筋惕肉潤全虛第九十
熱入血室第九十一
發黃第九十二
發狂純實症第九十三
霍亂不同症第九十四
畜血不同治第九十五

九卷

勞瘵不同治第九十六
鬱胃不同治第九十七
動氣症第九十八
四肢不仁第九十九
懊懷拂鬱第一百
舌白胎第一百一
項強一百二
頭眩第一百三

十卷

心下滿有虛實第一百四
腹滿有虛實第一百五
小腹緊有二証第一百六
煩燥証有虛實第一百七
七氣有虛實第一百八
積氣痛有虛實第一百九
心痛有虛實第一百十
不進飲食有虛實一百十一

- 瘧疾總論第一百十二
- 瘧病有虛實第一百一十
- 痢疾有虛實第一百十四
- 再論總瘧痢用藥一百十
- 中風有虛實第一百十六

新欽家傳諸症虛實辯疑示兒仙方總論卷之一



發表總論第一

蓋聞世之治傷寒者皆曰先當發表所謂發表之藥無出麻黃桂枝而此二藥用之最宜詳審經曰傷寒脈緊傷風脈遲假令診得六脈緊數按之切骨有力外症惡寒無汗面色如頭痛發熱口渴小便赤澀大便秘難此真麻黃症也若診得六脈浮洪而遲按之不足指下無力外症惡風自汗面色光澤頭痛發熱小便清利大便時泄口反不渴此真桂枝湯症也但二症須診得脈定分明見得是傷風傷

寒依法治之無不作效若脉症不明亂投湯劑必致損人
余多見近世之人有用麻去節佐以品味不問傷風傷寒
一例為病者發汗名曰發散誤人性命多矣今余揭麻黃
桂枝發表明白著于篇首予以發明先聖千萬世生之之
道也

發散傷寒最難第二

凡為醫人者遇病便一例用藥發散非也大槩病有當發散
者汗之不當發散者即不可汗只宜和解當發汗者其人
發熱六脉浮無汗頭痛惡寒宜發汗亦但使病人遍身熱
而溫潤則止切不可大發汗麻黃湯解表散加去節麻黃

主之若不當汗者決不可汗只宜和解之症其人雖四肢
煩熱自汗六脉浮大重按則指下無力切不可發汗只合
奏榮衛汗止為效使榮衛●既盛邪氣自退而平復矣桂
枝湯和氣散養榮湯主之已上五方

發散麻黃桂枝不可輕用第三

桂枝性熱有實表之功麻黃性溫亦熱有發汗之功傷寒無
汗者用麻黃發表出汗傷風有汗者用桂枝實表止汗若
傷風見寒脉傷寒見風脉仲景以麻黃桂枝各半湯對此
截截乎繩尺之嚴不可輕也

傷寒當汗不可汗第四

仲景曰有汗惡風爲傷風無汗惡寒爲傷寒傷寒其症無汗而面色垢而無光頭痛惡身熱名曰表實表實者無汗當發汗麻黃湯主之見前二章若傷風其人自汗面色光澤而不垢惡風身熱頭痛六脉浮大而遲名曰表虛表虛者當歛汗不可再令汗出收歛榮衛合爲實表桂枝湯宜和解散主之宜和榮養榮湯主之見前二章必須按仲景法分傷風傷寒虛實施治無不作效也

麻黃桂枝不可誤用第五

仲景曰有汗不可服麻黃無汗不可服桂枝凡有惡汗風法當用桂枝實表即不得用麻黃若誤用麻黃其人發猛蓋

麻黃發散心血既是自汗不當再用麻黃以麻黃重汗汗則心血散爲亡陽爲厥竭爲虛誦爲語言聲嘶甚至心氣散舌捲不能言者皆不當汗而誤之失也無汗傷寒法當用麻黃以散表不得用桂枝若誤用桂枝其人發狂蓋桂枝生心血既是無汗表熱再不當用桂枝以火助火血熱爲煩結爲枯竭爲諛語爲顛狂奔走甚則心氣鬱號呼哭泣踰牆上屋此皆不可用桂枝而誤用桂枝之失也

仲景辯用桂枝麻第六

仲景以有汗惡風用桂枝以無汗惡寒用麻黃此一定之說也但病人惡風惡寒其証則皆發熱而寒熱則欲被蓋何

以別之然此當以脉察之緊數爲傷寒遲緩爲傷風而仲
景要法則以於惡風惡寒之中但以有汗無汗而別用麻
黃桂枝也此爲的當學者不可不知

婦人不可一例發汗第七

婦人以血氣渾全爲平善故婦人不可輕發汗者蓋每月經
水一損所以以婦兩手尺中無全脉者正謂此也凡遇婦
人病慎勿輕汗之則重虛若要發汗須是免服好藥方救
得回轉所以逍遙散一藥爲婦人初病解散之劑近世名
賢亦以婦人初病發熱頭痛者就以四物湯加北柴胡亦
爲得理蓋此二藥皆有芎芎打頭不致損耗其血故婦人
三百八十四病治以亦百九十三方其中未嘗有一藥用
麻黃者正以其每月一損切不可汗以重其虛也

余昔年以訟沿留三十嘗以爲人家近城市熟藥舖亦好
遇病無分男子婦人並一例用藥發汗更不審實所以其
中婦人有因輕汗而重其病者反生他症也有之甚至喪
生而不救者有之此病家不可不曉予見庸醫鮮有不差
失此生失也逍遙四物不具

諸病不可汗當迴避麻黃第八

麻黃一藥仲景用之最審除節先後用水煮撈數十次然後
用祇拖拖去黑泡不然和黑泡吃下則汗汗出無底凡此

者以麻黃發散心血恐用之過多殺人性命也况病有當汗者乎醫者於此最不可不明也今取諸病有不當汗者開列于后謹之七

動氣在左不可汗 動氣在右不可汗 動氣在上不可汗

動氣在下不可汗 咽中塞閉不可汗 自汗不可汗

虛勞不可汗 諸失血者不可汗 痢後不可汗

癰疽破後不可汗 折傷不可汗 厥而脈緊不可汗

產後不可汗 煩而小便利不可汗 老年不可汗

血虛弱者不可汗 尺脈弱者不可汗 痔漏不可汗

詩脈得數動弱者不可汗

已上諸症皆不可發汗凡遇病選藥施治總見其中有麻黃者並迴避之

傷寒不可以火劫汗第九

愚民有病不服藥動輒以猛火劫汗外用被蓋內以姜葱豆豉湯熱服之經猛火逼良久汗出俱以為喜頃臾汗出如雨水者若是強健之夫偶愈至若風氣血素損弱之人只消此一汗則變生他症甚者捲舌不能言而不可不救戒之戒之

誤汗過多舌捲不能語第十

經曰血生於心汗者心之液也人之言語發於心今病者自

汗本不當再汗而有汗之是曰誤汗則所發之汗者皆心血也心血既散則上應病于舌故捲舌不能語醫者不自知把手乃呼為啞瘖束首無治法坐視其死豈不悲哉凡遇此病不怕有潮急於養榮湯中加官桂酸枣仁栝子仁遠志紫石英熟附子防風作十大服姜枣煎灌之名為收斂心氣以汗止即能言食後臨臥却以酸枣湯調妙香散吞下十四友丸仍下部以大青鹽丸早晨吞下鎮安氣海併以三因方風部解語湯煎成旋入竹瀝同下無不效者已上五方

養榮湯

治汗過多不語滋補榮衛收斂心氣一本有白朮

人參

茯苓

粉草

當歸

京白芍

酸枣仁

栝子仁

附子炮

紫石英

川芎

黃耆

官桂

木香

遠志

已上等分每服三錢姜枣煎成取雄雞冠滴血旋入竹瀝及童子小便同妙香散十四友丸不具見局方

大青鹽丸

青鹽一兩研

鹿茸

二兩鹽炒炙

破故紙

二兩炒

山藥

二兩

舶上迴香

一兩三錢炒

小茴香

二兩三錢炒

川練子

一兩去核

茯苓

二兩

肉苁蓉

三兩酒洗

連珠也戟

酒浸去心

杜仲

二兩姜汁洗

肉桂

二兩

香附子

炒一兩淨

山茱萸

去核

葫蘆巴

炒一兩

川椒

去目

蒼朮二兩半

洗

右為末酒煮面糊為丸梧桐子大每服五

十九丸鹽酒湯送下神効

余已酉年四月有里人謝中夫乃子梅州放魚子歸發潮熱因過多不能言語依上治之得安是年予救數十人皆此症亦有汗過傳剛症柔症者附于此治法同上但剛症手足強急筋脈又用排風湯去麻黃加竹瀝同煎服排風湯方不具見局方

已上十條並按仲景法度專論麻黃桂枝攻表不同不可輕用次論攻裏法度于后

新刻示兒秘訣方一卷終

家傳諸症虛實辨疑示小兒仙方總論卷之二

傷寒攻裏論總第十一

傷寒表症罷病有結于裏者必攻其裏所謂攻裏之藥不離大黃枳殼朴硝巴豆之類而大黃與巴豆之用大槩不同假令病者本無潮熱但是腹脹不進飲食或肚痛或泄利口噫臭氣此屬太陰脾經病分曉於此者各用巴豆加感應丸丁香脾積丸等皆可攻裏之劑如病者發熱身痛腹中邪氣和熱結聚小便澀大便秘難發狂譫語此症不可用巴豆攻裏正宜用大黃朴硝方為的當無見醫人多用巴豆合成丸子不明前說僂遇病攻裏一例用巴豆取泄

誤人多矣不知三陽病結在裏非巴豆可攻余今以大黄
巴豆二藥攻裏詳明于后實審用之庶無誤矣

大黄巴豆攻裏不可一例輕用第十二

巴豆性本熱生溫熟寒主太陰脾經食積一症仍主男子小
腸疝氣腎氣或全用或借性用之有效却不可以此蕩滌
邪熱之劑凡邪熱在裏更用巴豆攻之反助其熱適以為
大害大黄性寒主五臟三焦實熱壅結破積聚去瘀血故
蕩滌邪熱必雖用大黄佐以芒硝正仲景之說也

大黄芒硝攻裏當量病輕重審用第十三

仲景曰只用六黃不為緊暴佐以朴硝則緊暴矣又曰病在

陽明急宜下之仲景所以稱急下之者正謂病到陽明胃
經畜熱內有燥屎非承氣湯不除最宜急下不可少緩則
病過厥陰而命必傾矣故急利陽明以救厥陰也此病熱
急仲景用藥以峻急是大承氣湯有起死回生之功然則
亦雖見症脈其分明心下識得是此病當用此藥方可若
珍脈症不明必誤人性命謹審也 古人以大黄為將軍
謂能救人亦能殺人也

攻裏用藥虛實不同第十四

凡手足厥逆遍身自汗吐逆自利皆急宜救裏仲景以附湯
真武湯吞黑錫丸丹為要藥然後却以桂枝湯表之次用

十全大補湯此虛症者當如此若其人手足厥冷吐逆額上有白汗爲珠遍身無汗此陽明症也仲景治法以大柴胡大小承氣方安如嘔者小柴胡加竹茹涵能止之此實症又宜如此大祇症同而虛實不同若不明辯明病未能殺人而誤藥殺人也

凡前症虛者嘔吐而有物出遍身有汗手足冷則曲池足冷至膝腕小便清大便泄不渴頭不痛脉來遲而不小者真陰症也若見乾嘔痰沫無物出者十指頭冷少時又溫小便赤大便結口渴身無汗惟額上獨有汗脉來洪而弦實真陽症也

已上再詳辨虛實二症兼前用藥萬不失一也 又說本明今夫病者陰症則必泄利腎水不能上降升則又反渴愛飲水腎不茲舌也急宜辨之

腹痛有虛實不同不可一例用藥第十五 與卅五廿八章參用

凡腹痛有虛實可灸而發痛有熱而發痛者不可一例作氣治之投以熱劑悞人性命非輕凡痛者小腹連臍左右上下疼痛或作水瀉手足逆冷如此者真虛寒也仲景治法以木附湯吞黑錫丹於十全大補湯加白芍熟附子木香茴香對之泄不止者又要五積散去麻黃仍投五積寬中散如痛不止於青鹽丸和葫蘆巴丸吞下立効若是痛刺

兩脇至乳下連心中拂鬱而刺牽引背飯匙骨下而痛大便赤瀉頻併如此者乃是實熱而痛也仲景法治以小柴胡加赤芍藥又不止大柴胡湯仲景曰痛甚加芒硝如痛定實而不止者大小承氣湯主之是齏推氣丸極止實熱發痛夏秋間心脇痛而渴者黃連香薷散加大黃赤芍煎冷服即効次用徐桂五苓散加辰砂冷水調下利去小便無不効者已上治腹痛一虛一實依此明辨用藥心中懸然又當以脉審察之凡陰虛發痛者脉遲而緊陽實發痛者其脉數而弦甚則灸脉皆不動名曰伏脉仲景曰熱極則伏不可不審

頭痛有虛實不可一例用藥第十六

凡頭痛有數種有傷風頭痛有傷寒頭痛痰厥頭痛腎厥頭痛肝厥頭痛傷風頭痛自汗者宜實表用桂枝湯芫芷香蘇散加桂枝參蘇飲加桂和氣湯見前傷寒而痛無汗者宜發表用麻黃湯解表散見前收毒散川芎茶調散十神湯局方痰厥頭痛宜除痰四七湯吞半夏丸芫辛湯四生丸飲局方腎厥頭痛宜補腎使腎水上升即止用大青鹽丸見前安腎丸葫蘆巴丸局方肝厥宜清上實下虛心用玉真丸

玉真丸

硫黃

硝石

南星

石膏

火煉過

右用火煨石膏餘並生用爲末姜汁煮糊爲丸如梧桐子
大每服二三十丸食後鹽湯吞下

釣鈎藤散

釣鈎藤 人參 茯苓 茯神 麥門冬

防風 陳皮 半夏 甘菊 粉草

石膏 右剉二錢姜枣煎溫服

已上諸症不同更宜用心以脉參詳脉症依上法
施治或曰三無頭痛其如汗厥即屬厥陰又屬少
陰不可盡信制

口渴有重實不可一例用藥第十七

病人有實熱而渴者有氣虛自汗過多或誤發汗津液頓亡

而渴者冬曰血竭發渴治法不同假令血熱發渴外症
肢有熱小便赤秘宜小柴湯加人山樓根湯半夏不止以
瓜蒌根烏梅訖杷葉煎生料洗心散又不止用辰砂去桂
五苓散若自汗發渴五積散除麻黃倍加官桂人生黃耆
主之用養榮湯見前加五味子煎服作効若產后及室女
行血過多而渴宜用四物湯加五味子酒渾熟服不怕渴
不防用酒如不意只用水煎外用十四味建中湯去附子
加人參烏梅砂蜜甚妙若產后及室女經血過多決要於
上治法庶不致傷血而喪命若誤用良劑其血必結在中
腕性命在反掌間切宜謹審

腰背四肢疼痛有虛實第十八

凡腰背四肢痛者有虛損發痛有胃熱經絡緊急血漫滯於骨節間而痛者假如虛損作痛腰背重著轉側艱難小便頻併宜地骨皮散主之

地骨皮散 地骨皮 防風 羌活 秦艽 北柴胡

沒藥 甘草 官桂 天仙藤 五加皮

右剉二錢姜東水煎服

又用秦艽散 秦艽 甘草 當歸 川芎 地骨皮

羌活 前胡 官桂 芍藥 五加皮

沒藥 黃耆 人參 北柴胡

右等分剉二錢以姜汁煎服

又用萬全飲 人參 白朮 茯苓 甘草 當歸

川芎 黃耆 羌活 官桂 白芍

沒藥 北胡 右剉二錢姜東水煎服

又用青娥丸 菟絲子丸牛膝木瓜丸沒藥丸乳香起痛丸虎骨

散五積散加菝仁已上五方 出利劑 虛症依上用之無不

効若見手足拘攣大小便秘而痛實者宜用加味敗毒散

加味敗毒散 前胡 柴胡 羌活 甘草 地骨皮

茯苓 川芎 枳殼 人參 五加皮

桔梗 沒藥 黃耆 大黃 天仙藤

細辛 赤芍 獨活 石南藤

推氣散 治一切內傷生冷腹痛不止
右剉二錢各等分以車前子煎仍進

香附 陳皮 木香 青皮 莪朮 檳榔 牽牛

厚朴 大黃 枝子炒過 外加赤芍 或白芍

不通去青皮 加枳壳 熱盛加黃芩 木通

是齊推氣丸

大黃 黃芩 檳榔各五錢 枳壳 黑牽牛 枳實

陳皮各三錢 以上本方宜加半夏 南星 牙皂 苦梗各

石為末姜汁糊為丸如梧桐子大食后進溫酒送下五

七十九依服一方加黃連五錢

小散 斯方量病用之在乎意可也

當歸 川芎 枳壳 羌活 獨活 甘草 大栢皮

黃芩 大黃 白芷 細辛 荆芥 薄荷 沒藥

苦參 玄參 沙參 紅芍 紅花 蘇木 川烏煨各等分

右各散二錢薄荷燈心草車前子生薑水同煎二症如上

法治之無不作効

妙香散

射香三小 人參五小 木香五小 茯苓 茯神各二刀

黃耆二刀 桔梗半刀 甘草半刀 遠志 山藥各一刀

辰砂 三小另研 右為末每服二錢

消暑氣丸

半夏 一斤 甘草 生用 茯苓 去皮各半斤

右為末筭汁煮糊為丸每五十九

來復丹 即二氣丹

硝石 流石 各等分 右研米糊為丸每服十四丸

不換金正氣散

厚朴 制 藿香 甘草 半夏 制 蒼朮 制 陳皮

右酸棗熨服忌食油冷物

自汗各有虛實第十九

自汗 經中自出者名曰盜汗遍身手腕曲池皆有法治萬全

飲 見前 內加 酸棗仁 遠志 牡蠣 仍進妙香散建中湯及

養榮湯加浮麥子煎如不止再用局方

防風 甘草 牡蠣 當歸 人參 川芎 黃耆

浮麥 右各等分二錢姜枣煎服

復有一症身中全無汗一如發潮熱但額上有汗此乃病

在陽明而自汗屬胃受熱大柴胡及大小承氣洗心散白

虎竹葉石羔湯 局方 無不作効但此症宜詳審分明見 局方可

傷暑自汗第二十

凡人血氣盛則無傷感之患若血氣不足冒暑而來忽然卧

倒在地手足逆冷自汗乾嘔其汗額上有點綴四肢全無汗六脉微細甚則六脉俱無名曰伏脉宜服香薷散又宜消暑丸水瀉者五苓散吞來復丹半流黃丸熱不退宜竹葉石膏湯白虎加人參湯又不退小柴胡湯加石膏湯又不退辰砂五苓散已上局方凡是服暑病切不可謂手足冷輕下附子曰陽誤則殺人如五積散等皆亦不宜用

傷濕自汗第十一

凡傷濕之人四肢重着不能轉側腹中膨脹小便不利四肢酸重自汗頭痛治法切忌發汗宜利小便為上策仲景曰治傷濕不利小便非其治也法當先用和氣散即五積去

黃次用不換金正氣散參蘇飲覺寬即五苓散加黃參利其小便又進白虎湯加蒼朮服若手足痺而掌曲者防已黃耆湯吞防已黃耆丸不効即用木附湯除濕湯然此二藥未可杜用最宜審的用之可也

溫濕自汗 二十二

溫濕之症其人先受熱次感濕為濕氣閉熱于內不得發泄其症四肢微汗及脚腕兩腋下熱自汗外症小便赤黃治法如二十一章其要在白虎加蒼朮湯及上二夫盍取蒼朮除濕亦利水之功次用五苓散加人參黃芪用防已黃芪湯惟參蘇可謂調理之劑

風濕自汗二十三

病人寒而浮洪而濕熱四肢自汗小便反澀治法先用桂枝

湯

次用滋養榮衛之劑奏起表為上策大藥

一同

終

家傳諸症虛實辯疑示兒仙方總論卷之三

嘔惡有虛實不可一例用藥第二十四

凡嘔惡有虛實二症不可一例施治凡虛有嘔惡者胃氣寒其脉遲細每嘔有食出甚則有吐衄出手足冷頭上自汗或至下泄治用上謂温中養脾養胃湯藿香正氣散加入參黃芪干姜用姜枣煎又用千金大養脾丸水耆木香丸健脾散丁香煑散如不止却以黑錫丹來復丹靈砂丹鎮安氣海然後却以木附湯真武湯投之又以真人養臟湯止注其養臟湯修合有口工只依局方無効也已上局方並若實嘔惡病人只是吐痰沫乾噦冲着熱氣即吐無物

出其脉數而弦長發症發渴或有潮熱如此則嘔惡者仲
景治法以小柴胡湯加竹茹甚者進大柴胡湯又不止直
須下大承湯方止服此藥並要微冷不可熱投反吐又有
伏暑而嘔者浸冷香薷散甚次投竹葉石膏湯又進除桂
加辰砂五苓散利其小腸水熱退則嘔自止大抵病病分
虛實察脉用藥寒則暖補熱涼解散萬不失一

余嘗讀古書見孫氏云姜為嘔家之聖藥傷寒賦亦曰
姜專主嘔常思邈之書說並不說虛實假如前論
虛症用煨姜誠有功效若胃發嘔合於仲景之法如唯
孫說一例用姜緩胃恐不能症對

吐痰有虛實不可一例用藥二十五

與三十五章

脾虛吐有痰冷傷中脘宜五即散去麻黃參蘇飲二陳湯吞

半夏丸

並局方

如覺有熱吐痰者亦合用小柴胡湯辰砂

化痰丸又以鵝啞石白礬雄黃輕粉煇硝鵬砂細研乾入
口中含化蓋黃下多是熱治法不須專治痰只除心脾二
經熱則自然痰不作矣惟有加味推氣丸豁痰除痰之要
藥也時効方見前

咳嘔有虛實第二十六

與七十七章參詳

凡咳二聲一聲為虛咳連咳十餘聲不止者而不絕有熱也
虛咳多生于勞瘵之人語言聲嘶甚至失音治法宜二陳

湯大秦丸如鯨甲獺瓜散 局方 萬全飲知母散 見前 玉華
白丹白丸子 局方 皆可用如是熱咳相連十數聲者治法
又當如前二十五章卷後面實熱一同用藥茲不重引凡
咳嗽無如蛾管石散最妙 方見前 見廿章七十七章

塞噫第二十七

塞噫人多以此病為惡症大抵有双噫有单噫若虛倦尪羸
之人着床不起昧來呼吸七八九至忽然塞噫此氣絕真
惡症也如是暴病而卒然而塞噫者氣逆也治法當以姜
煎平胃散加柿蒂湯下正氣散方見二十六章並進橘皮
半夏湯嚼橘皮核下不止四君子湯加半夏 局方 又投烏

沉湯四磨湯

局方

然後梨蘆牙皂細辛為末吹鼻中連通

三四聲用関二十四丸立仍服丁沉透隔湯最妙

刺脇有虛實第二十八

凡刺脇左右脇皆痛不可轉側多應不曾解表之症未罷致
裏太早故上焦肺脹中脘壅結兩脇下停痰水而痛者其
肺葉脹滿促在膈膜而痛治法小柴胡湯加枳壳枳實等
蘆桑白皮瓜萎牡厲同煎服 局方 又用枳壳苦梗桑白皮
甘草同煎服名枳梗湯又以五苓散加枳壳活胎散調吞
推氣丸 見前 如是兩軟晻左右刺痛者脾痞也治法五積
散去麻黃加牡厲莞花同煎服又進枳實理中湯丸五膈

寬中散達中湯加宿砂名達脾散 見卅六章 五氣湯 見前
併進莞花莪木丸

莞花 半夏 南星 莪木 各一两

右剉碎和合以苦油竹一截留節以藥置竹內用
好醋一碗入竹內侵濕紙梓塞却入文武火中煨
一日夜不可着猛火待醋乾取出藥焙乾為末糊
丸梧桐子大空心熱水吞五十九丸其病如失去
妙法

咽喉作痛有虛實第二十九

凡因喉痛熱症思識虛症難辯假令六脉數口舌生瘡四肢
發熱大小便秘結真實熱症也金拂草倍加麻黃表之然

后以洗心散服却以枳實苦梗湯送下大腦射三黃丸及

一字散勝金餅子 局方 甚者以大承湯利下無不作効如

咽腫痛吞食不下惟升麻湯加露蜂房微冷含化二服 立安

局方 若是脉來遲緩脾胃二經虛寒差亂吐瀉交作而咽

痛者切不以前法治之反至悞人性命所以仲景木附湯

真武湯二藥其間專論有咽喉痛一症蓋言胃氣寒極則

胃管縮而不伸故咽喉治法用木附湯真武湯養胃湯 局方

溫脾固胃以瀉住嘔止痛自安矣

齒痛有虛實第三十

齒痛為人之大苦有虛實且如虛浮不腫齒根內離疼痛不

可惡者以致出血凝結口中成片者此是腎虛也早晨以
鹽湯吞大青鹽丸見前或黑丹腎氣地黄丸局方若牙宣

者以婦人膠艾湯鹽酒調下或就黑錫丹吞下無有不効

如是牙痛赤腫匡及臉腮俱腫身有微熱者此上焦壅熱

而牙痛宜升麻散局方加味敗毒散發散之後次投金沸

草散洗心散加赤芍藥露蜂房煎灌嗽服仍用升麻散加

露蜂房煎灌嗽吞下又一法以山蝦蚶啣五寸打損以綿

子以開棗縛就以所痛牙根咬定其痛即止如虫牙蛀

損而痛者以姜一塊握一窟入巴豆一粒去殼打損同白

礬一小塊和巴豆入姜內以紙裹火煨良久取出去紙巴

礬溶在姜內只用姜以竹尖插姜乘熱置在牙痛處虫即

死而痛便止富有痰自竹尖上流下却以蛇床子牙皂荆

芥白礬渾水灌嗽大有卜効驗山蝦蚶啣根鳥御藤以威

泄瀉有虛貫第三十一

凡泄瀉之病有虛實有挾熱而利有挾寒而利尺脉沉微右

手脾脉弦緊主泄而時有嘔吐治法藿香正氣散內加干

姜人參黃芪次投養胃湯下部以黑錫丹鎮墜如不止宜

秘傳降氣湯吞來復丹局方為升降陰陽然後以前所主
藥治之復以五苓散分利水谷又不止木附湯加厚朴木
香真武湯內加亦可局方如赤瀉每去不多去則谷道燒

此挾熱以利治法不拘暑月以冷浸香薷散最妙然後以五苓散分利之併用小柴胡湯加澤瀉厚朴湯吞推氣丸易簡方及九寶飲易簡必如此分虛實治之方是復有一症如上用藥而全不効者此又是宿食傷於脾胃宜感應丸推下三五次然後依前施治調理之劑

結胸有虛實第三十二

仲景曰傷寒本無結胸用表症未罷而下之太早故成結胸外症氣促胸膈結塞吐唾艱苦繞喉則胸膈皆痛上膈滿壅下部水泄仲景治法雖有大小陷胸湯却難用宜先投枳實苦梗湯次用小柴胡湯去黃芩加牡蠣枳實然後却

以枳實理中丸嚼下則胸膈豁然其或有胸膈結聚而又下泄者此實証熱也宜大柴胡加瓜蒌湯或是痰結胸中宜二陳湯加枳實苦梗局方煎吞辰砂化痰丸仍進行葉石羔湯吞半夏丸已上施治無不作効

中脘停痰第三十三 痰飲附

凡中脘停痰多因脾寒胃冷痰與水積其症吐逆兩腋下漉漉有聲治法二陳湯加莞花醋炒煎湯就局方吞莞花義

木丸見前又用五苓散加甘遂仍服參蘇飲局方導痰丸

易簡此痰不但要治痰併要利水得其法即於利痰藥內加利水藥此用是也

痰症上壅有虛實第三十四

經曰涎生于脾痰起于絕絡二者各有所生處各而作痰則聚于肺經今人但言痰涎壅盛初不論其所生處大柴心經熱則脾與絕絡俱熱故痰涎上壅治法輕則小柴胡湯重則大柴胡湯清肺湯推氣湯不愈急以大承氣湯利下五行仍用全蝎羔決然取効

全蝎羔

- 黃芩 天麻 防風 羌活 赤芍 甘草 細辛
- 白芷 川芎 姜蚕 蝉退 荆芥 薄荷 全虫
- 已上為末方入后藥 辰砂 金箔 銀箔 鵝砂

- 腦子 煇硝 射香 輕粉 沿霜 雄黃 鉄貳粉

右為末姜汁糊為丸如梧桐子大淡姜湯吞下使痰歸經自能安痊可若脾氣虛絕絡寒而痰涎上壅者

宜二陳湯吞青州丸子四君子湯加陳皮半夏青皮姜東煎服局方仍以參蘇飲吞半硫丸局方或玉真

丹丸易簡又以黑錫丹加南星專墜痰無不作効也

如用雄黃輕粉鉛霜煇硝等藥化痰如水瀆是猛烈人實熱者可用若虛痰者用此藥則化開倒痰祖氣弱血竭之症為聲嘶為失音不可不察也

氣痛有虛實第三十五

凡氣攻刺但云氣痛不明虛實一例用治氣藥非也蓋有虛實有虛痛有實痛如痛在心及兩乳下連兩脇牽引飯匙骨下痛者此三焦積熱滯中皖而痛外症有微熱口渴手指頭冷大便秘小便赤治法小柴胡湯加赤芍藥煎吞推氣丸又以香薷散加黃連大黃赤芍烏梅其浸冷服痛不止以大柴胡湯加朴硝又不止用大承氣湯利下未有不効如痛在臍左臍右臍上臍下不攻刺心六脉沉緊此是宿食積滯宜正氣散五積散去麻黃正氣湯調中湯五膈寬中散溫脾不止用丁香煑散加熟附煎服然後以感應丸或脾積丸推下一二行立効若在氣海痛者虛冷也宜

黑錫丹八味丸大青鹽橘皮煎丸於五十九丸加感應五粒以溫鹽酒或吞自臍下吊心曲左右脇間痛而背曲者此乃疝氣吊腎氣別有治法

疝氣全虛第三十六

疝氣之症自小腹痛連兩脇下心頭吊痛額上汗出皆因醉飽后房慾不節觸傷小腹名曰小腸疝氣治法以大青鹽丸葫蘆巴丸金鈴丸四炒固真丹鹽煎散五積散加玄胡索加正氣湯馬蘭花丸三葉萸丸陰癩脹大者萸萸內消丸又用借性丸服此雖利下三五行不妨已上皆經驗除正氣湯借性丸私方其餘並局方

正氣湯

山藥 茯苓 白朮 人參 粉草 白姜 白芷
宿砂 丁香 木香 茴香 檀香 藿香 官桂
苳梗 白寇 肉寇 各等分

右為細末空心鹽湯送下

借性丸

金鈴子 四十九箇 巴豆 四十九箇

右以金鈴子內巴豆去殼心九十八片和合二味同炒以赤色為度盡去巴豆只用金鈴末為丸每于大青鹽丸內加十丸同服以得利下不妨

辨疑三卷終

家傳諸症虛實辨疑示兒仙方總論卷之四

吊腎氣全虛第三十七

吊腎氣全是腎虛每痛外腎必吊入治法與前疝氣畧同但此症宜先和氣以木香勻和氣散吊藤煎湯炙鹽同服調又用茴香吊藤散正氣湯仍以茴香川烏吊藤煎酒吞大青鹽丸更于疝氣選藥施治

大便秘結有虛實第三十八

凡大便秘結有虛實不可一例用宣藥假如發熱諛言如見鬼神手足反冷如此大便又秘者實熱也宜大小柴胡重則大承氣小承氣量輕重下之即止不可大過若氣虛年

老別無他症只是大便秘者血竭也而津液頓下故令腸胃乾澁宜黑錫丹或半硫丸來復丹米飲吞下取硫黃有溫利之性乃以蘇麻粥送之其法以麻生研畧以水引濃漿却用白米渾粥熟旋入用麻漿和粥啜下若得二三升打成油如膏脂入粥尤妙或年高疇職充實者黃連阿膠丸麻仁丸久服即快順局方亦有婦人產後血氣腸胃澁而大便秘五七日者於四物湯中加陳皮青皮阿膠煎服立効已上大便秘皆當禁巴豆切宜詳審詳見十二章之病人以小便秘難不通為至急凡虛秘者尚延得一二日若

小便秘難有虛實第三十九

熱秘旦發夕死矣凡身熱小便秘而陰結以頭痛小腹如鼓此結熱也宜以八正散解後宜以五苓散用活石蜀葵子車前子煎湯調下仍用益元散有速効之功若人有色慾不節耗損腎元以致小便不通陰癰痛甚時有鮮血一點有自水道出者非熱也乃觸傷腎氣囊縮而小便不通過投涼劑則舌捲不能語而死矣治法宜大青鹽丸石菴渾酒吞下次進仲景八味腎氣丸倍加茯苓每服五十九以厥根石菴渾酒下又不通下者香橙散

香橙方

私方

香橙皮 白朮 人參 茯苓 甘草 射香 菴藿

養營 猪苓

却用螳螂散服之

右為細末用灯心枣子煎湯調下後

螳螂散

螳螂十箇洗淨射香多用土狗十箇焙于

右以三味為末烏桕根煎湯調服

又有大小便不通者用借性丸見前八味丸局方如不阿

膠阿魏丸後有婦人受胎三兩個月緊急忽小便不通涼

藥巴豆皆不宜用此是胎漏逼胞之京之疾故小便不通

宜茯苓分氣紫蘇飲局方灯心枣子煎吞八味下六十服

而小便利行矣

足膝痛有虛實第四十

凡是膝痛皮不腫赤筋不拘急遇夜則陰極而發痛者氣虛

而血不榮也治法以萬全飲加天仙藤石南藤五加皮一

方有地骨皮沒藥羌活且而枚衛助榮次以加南九牛膝

木瓜丸乳香趁痛丸虎骨散沒藥散局方皆可選用若見

兩脚腫赤強急作熱而掣痛者此血熱而宗筋拘急也宜

敗毒散加大黃赤芍天仙藤等藥服之次用七寶散推氣

丸大柴胡湯加赤芍服之大便秘用大承氣湯利之仍進

八正散去桂五苓散加枳壳下小便空其痛自止病合分

虛實不可一例施治

脹滿有虛實第四十一

脹滿多因脾胃不運舒故土敗不能生金肺滿氣溢而逆肺
傳大腸匕氣逼合為脹滿宜先進五隔寬中散以枳榔
煎湯服次服磨脾丸

磨脾丸 秘方

良姜 縮砂 紅豆 三稜 義木 陳皮 青皮
丁香 蒼朮 香附 麥芽 神曲 丁皮 枳榔
茯苓 白朮 烏藥 紫金皮

右為細末以醋為丸如梧桐子大每服三十丸食后服
臨睡用淡姜湯送下

又進沉香三和散茯苓分氣紫蘇飲四磨湯同服 局方

然後却以感應丸或脾積丸宣下三五次又以五苓
加枳榔大伏皮利下水氣立見平復不有太陽傳陽明
已經表散後病漸退而大便秘五七日不通而心
腹脹滿者宜大小柴胡湯利之甚者用大小承氣湯復
以推氣丸時進以寬其氣切不可如前下用藥治之

蠱脹第四十二

蠱脹非如腫脹遍身脹滿也其脉六部大重按之無力不
應指外証也色黑四柱無肉但有一腹如鼓青筋罩絡飲
食不進胸膈痞滿時吐黑汁甚則下泄如此者秋冬間發
遇次年雨水京蟄進病死在立夏小滿萍種蓋秋冬水清

吐堅猶未爲害至萍種小蒲水泛土醉勢必傾矣

已上病雖治然而予長男祖俊因飲酒吃肉脯過度傷飽而成此疾也已經三月後四肢如紫只一腹如鼓以致近死而言語誦亂皆以爲不救然亦不容坐視遂思藥一而進終不濟事莫若從事于灸旋灸左右及探二穴臍左臍右臍下各去之一寸三分着艾於四穴各灸七壯后以磨脾丸常服得一個見效又一本夜合草亦名鯉鯪串採其根淨洗打爛以極等酸醋和藥用雞卵一枚同浸一宿次早卵壳盡消磨但存黃白置飯甑上蒸熟分作四角每吃一角以檳榔樟榔根煎湯送下一旦一枚如此服三月

至次年正月全安平生遇此疾但救得一子而免險哉險哉左右及探二穴在脇下取非左右章門也灸此二穴於此病大有功效但點穴有口工要見下手未容易輕易

腫脹有虛實第四十三

病人六脉數四肢腫滿腹脹發熱小便赤大便秘治以溫中養脾非也皆內三焦畜熱大小便閉無發泄故流出經絡五臟充溢而成腫脹宜敗毒散加麻黃防已枳實苦梗發散却以八正散推氣丸兼服各小便多又以辰砂去桂五苓散以木通枳壳煎湯調服更以滑胎枳壳散去桂五苓散車前子煎調吞青木香丸並局方以小便利即消若六

脈緊而欲絕四肢冷腹硬自臍上腫至胸膈咽喉以下身
直如木喘急涎聲轉動不得屈伸亦難治此五臟腫脹流
出肌膚名曰水腫石腫待期而死矣

水氣腫有虛實第四十四

患腫之人脾氣不運輸故氣滯而水不行一身之間經絡壅
塞樞机不通猶水在地溝澮不通溢而滿泛四肢皮膚充
湊而腫若用巴豆藥轉動六腑非其道也治法以通氣利
小便為上策亦又宜多用利水道藥且與五苓散吞木香
丸行滯氣然後沉香三和散茯苓分氣紫蘇飲局方以分
利水氣却用服來復丹以蘇湯吞下三因方覺寬却進磨

脾丸於中加針砂仁阿魏醋糊為丸每服五十九粒榔
根赤小豆渾湯下余嘗在州有患此疾遍身頭面俱腫氣
急求治首以三和散進服再自處一方增損茱萸內消丸

增損茱萸內消丸 山茱萸 吳茱萸 川練子 石棗

茯苓 白朮 破故紙 黑牽牛 大腹皮 蒼朮

澤瀉 昆布 舶上茴 青木香 海紙 海藻

正茴 椒目 檳榔 南木香 枳壳 各等分

右為細末糊為丸如梧桐子大每服五十九丸早晨午前入
夜煎三和散吞下服之七日其病脫然神效無比忌其鹹
及禁色慾二個月無不美哉

腹內堅癖第四十五

凡人五臟出血有竅入血亦有竅推脾一臟出血入血只此一竅是名胃脘今人因醉飽后嗜慾不節損壞脾元血死于胃脘脾內血不得以出外之新血不得以過瘀血積在胃脘而不得出故入脾不運轉腹硬如石名堅癖治法以三稜莪朮等藥為頭仍以前磨脾丸至成煨掣針砂入藥為丸服之久而自消不得速于即效若變換他藥全無効矣雖然治法如上十死一活受此病者而得生者鮮矣

黃疸病第四十六

與九十條參看

凡黃疸病症遍身黃如橘皮色眼黃如貓兒眼小便赤黃而汁汚衣如藥汁狀大槩有暑疸濕疸酒疸色疸谷疸者治法以山茵陳枝子煎湯調服五苓散仍用白虎湯加蒼朮若脾腎受濕下元本虛者又不可多服五苓散及傷敗腎氣余嘗作防已黃耆湯倍加白朮茯苓用以吞四妙固真丹局方此藥以蒼朮為主又得補藥養固脾腎全功可矣必但人服藥須要柰久而始作効不可以求速効若藥不服藥不多亦無可安之理此病小便去黃色不見即安

似勞症第四十七

凡傷寒一日太陽膀胱受病二日傳陽明胃經受病三日傳少陽胆經受病自此病起只在三陽不傳過三陽六脉沉

而辟之然指下有力外症頭痛手足冷中午身寒后作熱
 額上有汗胸滿發咳嗽每日吐痰成碗日久四肢如柴削
 其人大便堅硬小便赤澀或至大便溏利如是挾熱而利
 也醫者不明見其吐痰發嗽便作勞症治之以溫養丹砂
 之劑投之愈見病重而危凡遇此病似勞者而實虛勞症
 也治法仍前從太陽經醫起但診得脉沉有力者兼有頭
 痛宜小柴胡湯加至大柴胡湯食后臨卧用推氣丸加南
 星半夏牙皂為丸服之併進生料洗心散有煩渴者竹葉
 石膏湯辰砂五苓散局方此病多至嗽甚痰涎有血者就
 前藥內加地柏根竹青栢葉石膏湯下之無有不
 效以復有清心蓮子飲加味推氣丸調理之劑 四卷終

傳諸症虛實辯疑示兒仙方總論卷之五

真勞症第四十八

人皆謂勞病以色慾過度而致豈專事乎此耶蓋愁憂思慮
 則傷心 則血逆渴血逆血則男子為亡經女子為經
 水失度每日肺變生往來寒熱不進飲食漸見瘦削經曰
 思慮過則傷脾 困則土不能生金而肺受病 則傳
 痰喘嗽金不生水而腎受病則傳音痿語言聲嘶為失音
 之症如是者鮮有得安古書以為三尺九疘二堅臨身惟
 早灸膏肓腠脛倘或涎引時歲然中無好者予當奏効數
 人皆先灸火之功也其用藥先以靈砂升降陰陽次以清

蓮子飲有熱者人參散人參荆芥散局方若痰涎有血者

用雞丸雞蘇散加地榆地黃服之若微潮熱宜用地桃散

私方加干葛 生干地黃 麥門冬 北柴胡 人參

知母 右剉各二錢入地菔根皮煎服潮即退

復有五勞者謂肝心脾肺腎五藏各屬大槩其症皆子午

潮手心熱唇紅驗赤發嗽白痰自汗日久四肢去肉大腸

溏泄或遺精白濁諸症迭作先元遇此下部宜用交泰丹

見前於中研入靈末糊丸末湯吞下先為鎮安氣海次用

大秦羌丸 見前潮熱不退用人參荆芥散手心熱用清心

蓮子飲菔皮散併進增損消遙散局方於內加胡黃連秦

羌黃連麥門冬地骨皮車前子木通每服浸濕灯心同煎

溫服及効如溏利不止進地仙丹局方於內加厚朴木香

去黃連麥門冬胡黃連苦參

右剉水煎服仍食後臨卧

進大料磨脾丸 見前若痰涎不止用皂角一條去烏壳以

姜汁塗炙全焦用半夏南星白礬枯過以上味回為丸如

梧桐子大每服三十丸食後用熱水吞下但受此病十死

一生六脉遲緩者可救緊數者難痊

菔皮散私方 北柴胡 地骨皮 苦梗 乾葛 甘草

右湯使如前

治此病見痰涎每日吐每一二碗者切不可以此湯劑中
用半夏抽過津液枯竭愈見痰多困弱惟于皮藥內加半
夏南星發痰歸經無効取丸子達脾與絕絡故也涎生於
皮痰起於絕絡痰之源也

脾藥方

陳皮

青皮

南星

半夏

香附

紫金皮

皂角 右各等分爲細末姜汁糊爲丸如梧桐子
大食後臨卧淡姜湯吞下三十丸然遇此病不可
無治法實難不可下手仍不可用峻劑補之決生
也症以速其死只宜依上治用溫平之劑乃可服
吐血有虛實不可一例用藥第四十九

凡吐血有虛實血虛之行停留中脘而吐者其血黑而成

實熱而吐者其血鮮紅醫者當審實熱小柴胡湯加當歸

湯七寶洗心散以竹青白茅根煎服又用三黃散以烏梅

煎服仍以辰砂五苓散利水道

本事方

以捲荷葉研自然

汁服冬月用藕研自然汁服又一方以天門冬生的麥門

冬用蘭花根白茅根各一伯又重以童子小便浸一宿次

早同研蘭花根取汁服又以捲栢焙乾同莪管石爲末以

湯調旋入生地黃汁服

局方

又用雞蘇散

局方

歸痰湯

見前

雞蘇丸亦可予嘗見一人治吐血以藥渾酒服立止後其
家只留得原藥滓在耳一人吐血以此藥渣歸日晒乾爲

末酒調服又得安好其人乃妙人予因事至彼處遂以資
與之傳得此方凡實熱吐血用過前藥更以此方與服之
無不作效今不自秘與共之名曰

金毛狗散

金毛狗

地菔根

赤芍

甘草

川芎

地泡根

當歸

馬蘭丹根

右各取半兩打損以烏梅甘草渾服極效

若血止以是齋白朮散

易簡

為調理之藥如血虛妄行吐

血成黑片者與四物湯中加地菔根地榆剉三錢半酒半
水渾服又不止以婦人膠艾湯蒲黃散秘方酒調服以白
雞冠花煎酒調服尤妙

咯血有虛實不可以一例用藥第五十

血非吐血此也吐者滿口吐出也咯者乃嗽中咯出三五
點隨白涎而出者若實熱而咯血者其症連聲發嗽則
血隨白痰而出此乃心經畜熱薰蒸在肺而成治法以小
柴胡湯內加竹青白茅根栢葉同煎又不退以大柴胡湯
利之併進生料洗心散局方嗽不止用人參青肺湯生料
雞蘇散無不作效前見若無嗽只是白痰中咯出血素者其
倦症也亦用雞蘇散雙和散加生地黃根地菔根地榆烏
梅煎服仍用金毛狗散若日久吐血不止而四肢去肉如
柴者真倦者不治矣

雞蘇散

黃耆

阿膠

貝母

桔梗

門冬

生地黃

甘草

白茅根

雞蘇葉

右為

嘔血有虛實第五十一

清肺湯

阿膠

杏仁

甘草

知母

人參

地骨皮

烏梅

栗壳

双白皮

嘔血中脘停蓄而嘔血不過脾從中脘吐血出至三五碗血鮮而面赤二腑秘澁此乃三焦積熱惟三黃湯主之以生藕葉研汁調服局方又用洗心散生料雞蘇散及雞蘇丸主之局方有嗽用人參青肺湯局方如不退加大柴胡湯下之得黑糞出乃血下流乃依法調治若見吐血成片

而色黑者急於理中湯內加川當歸服局方蓋理中湯

開胃中迫塞又於四物湯內加白雞冠花地榆藕節服仍用雞蘇丸兼服併以双和散等溫養可以向安如嘔出血如黑汁如烟煤水者血死五臟氣其人色青或黃手足冷指甲黑者不可治之症也

鼻血有虛實第五十二

齒血附與七十五章參攷

鼻血出一例用衰藥非也凡人一身血猶水也如水在地中晝夜長流行不可壅滯則必心血妄行為衄血嘔血吐血勢所必然凡衄血發潮熱面色赤口燥二腑秘燥宜涼劑如洗心散三黃湯下五七服而止若出三五碗或鮮或黑

血甚者至成盆而出不止者此乃血虛妄行如嬾人經水
行有虛者而行之無底止者急用川芎黃耆當歸白雞冠
花煎酒調黑神散膠艾服之局方又用双和湯加地榆桃
根生乾地黃白雞冠花渾酒服如此施治無不作效若專
用衰藥害人性命矣

昔年馮知府鼻衄七日諸醫皆進良劑無效召予治之依上
用溫卷血藥得安可復有齒中出血不止有時睡醒滿口
血成條齒浮豁動出血不止者腎虛也宜用大青鹽丸安
二藥和合研爛以陳艾敗荷葉敗棕毛燒入內練蜜為丸
如梧桐子大空心以青鹽湯吞下三十丸仍服錫丹又依

煎酒藥下之併枯凡白鹽炒合作牙藥搽之慎勿用夏
治之

小便血有虛實第五十三

人從暑中行來或食煎燻熱物致小便澀痛而血者真熱也
治法以竹青白茅根煎黃連香薷散浸冷服仍用辰砂五
苓散內去桂洗心散活石散清心蓮子飲扁畜散雞蘇散
局方若見小便不通血出自阴竅中成條者此精敗也其
人雖行坐如故而脉必澀此難治之症宜以四物湯中倍
加茯苓白朮荷灰艾灰同煎服若少輕即用芎歸湯加黃
耆地榆白雞冠花茯苓木通清之仍服大青鹽丸如此治

之而不効者不起之疾也大槩婦人經水紅而返白者為
敗男子精白而返紅者為敗復有小便承血出者以石灰
炒黃連去灰以黃連末面糊為丸如梧桐子大以白茅根
竹青煎五苓散吞下大効曾有人醉中忽報其妻親死
倉卒被驚文過哭泣忽然回來小便尿出血召予先君治
之以生料五苓散加料洗心散各半錢作七服而効也

大便血有虛實第五十四

病有六脉洪而實大便秘結而出血者此真五臟積熱故令
大腸緊澁宜大小柴胡半表半裏治之仍用小三黃丸甚
者大小承氣枳壳煎黃連丸治之類局方此乃熱極肛門

逆而血出依上用藥無不作効若便如常每登廁如此者
乃血妄行治法先投順氣散先順其氣然後以所主藥治之

順氣散

- 紫蘇 陳皮 青皮 枳殼 人參 當歸
- 川芎 枳壳 苦梗 黃耆 木香 大腹皮 天台烏

香附子 右剉二錢烏梅煎服

其血少次以四物湯倍香附子同煎服又以雞蘇丸溫水
嚼下局方少止却用双和湯加地榆地桃皮烏梅漢防已
煎為調理之劑不可專執涼藥反生他症以喪其往或依
上治不効者必是五腫痔合以專料治之

治中蠱毒第五十五

閩人聚諸毒虫作一器而畜之待其自相食盡後獨存一虫者為血衆虫之最靈取屎致飲食中殺人以死者能令其家而致富或中之者心腹疼痛下血如爛肉治法當用

丹砂丸 辰砂 雄黃 射香

右三味另研末入赤足蜈蚣製 續隨子 三味為末

右合一處用糯米飲為丸如彈子大温酒送下二十九立効蛇蝎所傷醋磨塗之此症惟閩廣中有之江東及江西他處人皆無

解中信毒第五十六

凡人遇急事智窮術盡或為人所陷始自復信大槩飯食中

尚可救惟酒中服難救俗法以人糞取尿汁亦驗予得此方凡遇此症先以胆礬磨灌湯下吐出然後却用藥

青黃散 青黛 黃丹 水粉 焰硝石 菜豆粉

右研為末以小藍水調下腹痛多加黃丹豆粉并花水調服余累用活人有効

又一法當新苗竹成竿時漸未有葉者斫一竿截筒留兩頭節並去竹皮置於廁中經久不取如遇中信毒者旋取出一個洗淨取出筒內汁紅如菊酒亦不臭服之良妙又一法用巴壳一升為粗末和青黛五十文重苗竹筒一枝留兩頭節就一頭節上攢四竅旋挑入菜豆青黛置於

筒內以盡為度却用竹釘子釘塞其竅子亦去竹皮端午
日入廁中浸次年端午日取出洗淨懸在屋脊上風吹日
晒經久必內自乾要夏久晴一月餘劈破取出乾研末復
以小盞自然汁調為丸如彈子大每遇中信者急以井花
水磨一丸灌之立解仍以烏桕根皮研水二合以井花水
解飲良久瀉下毒藥即愈活人性命在頃臯也不可具述
急喉瘋第五十七

此病三焦積熱五臟壅塞上衝咽喉間紅腫痰涎交攻胸滿
迫塞咽中痰盛則腫結不能吐唾者害人性命最急治法
先用胆礬散吐之鴨嘴胆礬 白礬 巴豆 各生用

右研極細勻以溫水調灌下絕入咽良久在上即吐
下即利須臾頓甦却用冷水漱口再進

透水散

鵬砂 腦子 青黛 消石 朴硝 鉛霜

輕粉 菜豆粉

右為細末每服二錢用單煮大黃湯待冷調服大利
又一法倉卒間以艾葉研汁用醋些子含化咽下良久亦
吐若冬月以取艾根如上用如前研制亦効吐涎後用藥
如上又續入奇方名曰玉瑣匙

玉瑣匙

鵝砂 腦子 郁金 雄黃 牙硝 粉草

右研為末以蜜水調服灌下隨病重加減用之

氣淋有虛實第五十八

凡淋病痛甚者不可一例用涼藥假令小便不行以五苓散八正散等藥不應手者非熱閉也蓋其人平居定性徧迫觸事憂怒經曰憂愁思慮則傷心傷心則氣鬱結故小腸為心腑心氣結則小腸閉結澀而尿不行治法宜用白茯苓煎湯調辰砂妙香散次用八味丸和茱萸肉消丸局方每服三十丸加本散水煎丸一粒卅以鼠棘根煎湯吞蘇湯亦可又以局方四物湯倍加白茯苓煎湯吞又調蘇合香丸吞又用白朮白茯苓煎湯吞如不通用蕨根石葦煎湯吞取二腑俱通為度此病皆因心氣鬱結而致若通利

不甚大快却用舶面正面加入五苓散入鹽少許同煎吞青木香丸其效如神並局方

石淋有虛實第五十九

此痰多因食醜物過多鹽結砂干囊砂結為石淋甚至砂出竅蹙塞痛不可忍昔年武昌高知縣曾患此病屢至辛丑年官守寧都始召予治得安大槩破此石如無石燕之妙治法用石燕丸 石燕 一個用火煨醋淬七遍 石葦 右為細本丸如梧桐子大以蕨根葵子石葦渾酒吞下服後石破隨尿而出然後只服此藥絕根矣

家傳諸症虛實辯疑示兒仙方總論卷之六

三瘠渴有虛實第六十

渴疾有因五臟積熱而致者又非三瘠渴此法只涼解心經
可愈如洗散三黃丸黃連丸皆可致效若伏暑而渴黃連
香茹散加瓜蒌根煎浸冷服幣進辰砂去桂五苓散又用
小柴胡湯加瓜蒌根煎服又竹葉石膏湯去半夏煎服若
熱甚須用大承氣湯蕩滌之熱始除渴而止若三消渴者
有三一曰消渴二曰消中三曰消腎分上中下三焦而言
之夫三焦內火虛痰故津液枯竭非假水不能潤澤故病
者多欲飲水若熱氣上熏心虛受之火氣散漫而不收斂

胸中煩燥舌赤如血唇紅似丹頻飲水而小便頻併熱攻
上焦心虛受之名曰焦渴痰在標中若熱畜于中脾虛受
之伏陽內蒸消谷貪食雖多不長肌肉喜飲水小便頻數
濁如米泔甜如蜂蜜名曰消中又名脾消屬中焦水谷之
海若熱伏于下焦腎虛受之致精髓枯竭多飲水而不消
其飲水一斗便去反倍其便亦且時時陽事舉而精自流
腿膝瘦細漸不能步名曰消腎又名急消屬下焦病在原本
夫以虛熱日盛而飲水無度必傷五臟故水氣滿溢流出
經絡波溢而散于皮膚腑腫故內火熱或為發疽瘡瘍
夏月暑毒入心心邪移熱于肺葉乾枯津液乾燥好飲

水名曰膈消宜冷浸人參湯吞玉壺丸局方寒暑之交氣

壅塞聲重咽乾煩燥二腑闕結法當治心熱一使

而熱不蒸薰于肺經清而濁自止宜投洗心散

局方復有飲酒不節食燔煎煉內熱蘊積于胃故煩渴宜

進龍腦飲子止渴導熱方在見后亦有色慾過度耗損腎

元水火不既濟心火上炎上則蒸薰于肺肺金受剋故渴

而喜飲冷雖先固其本宜空心進仲景腎氣八味丸交泰

丹大炁系子丸互用然後却進清上膈之劑

腎氣八味丸 白茯苓 牡丹皮 山藥 官桂 澤瀉

熟地黃 山茱萸 綿附

右等分爲末煉蜜爲丸如梧桐子大空心用雞蛋一枚破頂口攪勻就壳置在火灰中渾不得熟待糖心半生先以藥吞下次吸雞子入口就以鹽酒送下食後進黃連羔

先用黃連五刀以溫酒發脹石鉢內搗爛煉淨水一升煮生絹濾去滓以水入丸籠內慢火熬成羔次用生麥門冬一升去心生地黄一伯文中生瓜萎根一伯文中生蘭花根一伯文重四味品下石鉢內搗爛取自然汁一二碗却以前黃連羔五兩重對生蜜五兩重烏梅四十個五味子一兩重同熬羔三十文重四

四品和合却用前四品自然汁每用一大盞同羔一和合或用匙挑入口或以冷水解開啜下七服渴止然後進地黃飲子主治消渴面赤煩燥者

地黃飲子 人參 只壳 黃耆 澤瀉 石斛 粉草

天門冬 麥門冬 生地黄 熟地黄 枇杷葉

右剉二錢水一盞煎食後臨臥服下如又不止再進花

天花粉丸 知母 牡蠣 蘆薈 苦參 射香 辰砂研

鉄貳粉 天花粉 金銀薄 黃連童便 扁豆炒去

右等分爲末研入諸藥一處以生瓜萎根取自然汁和生蜜爲丸如梧桐子大每服三十九丸麥門冬湯吞下不止如

前劑余証不盡止再進大救生丸服此清小便止消渴服
之三日後見水如仇

大救生丸 厚牡厲煨 苦參 少許 瓜萎 知母 蜜陀僧已

並生用為末 水銀 白臘 黃丹 已上三味同入丸籠

右和合作一處男子用母猪肚女人用雄猪肚置藥末于
猪肚內以線縫之用縛一口以小繩縛猪肚於磚上却以
生瓜萎根切片着水二升同磚下釜中爛煮自子至午時
取出猪肚細切研爛和藥丸如梧桐子大每服三十丸空
心米飲吞或用水銀與黑錫交造用不使腸而不止者耳
瓜連丸 大冬瓜 一個去囊 黃連 半斤去須為末

右以黃連末入冬瓜內宿十日覺瓜爛取出去籠皮研
味為泥塗新瓦上候少干括下以飛羅寒面生用同搗為
丸如梧桐子大每服三十丸食後臨臥以麥門冬湯吞下
立効又不止更進熟料瓜連丸治消渴

瓜連丸 宣黃連 半斤去須 生干瓜萎根 干用

右為末用生門冬一升去心研取自然汁丸如梧桐子大
每服三十丸食後臨臥温湯吞服若見小便滑數次早便
面如油下水如五色鮮花者亦用上方為末以生地黃自
然汁和飛羅寒食面為丸如梧桐子大後用牛乳汁吞日
進二服有著渴不止進加味縮脾飲食驗七藥惟穩丸渴

此方可進也

縮脾飲 局方 酒送下食後下藥依前上三補並用空心下藥服後却用雞蛋一枚頂中上開小竅傾出黃白于碗中存壳用蜜佗僧生研為粉一錢入黃白內青鹽半錢攪勻再入壳中置灰火中渾勿令大熟覺如糖心即取一吸入口以青鹽酒送下壓前藥丸生津液潤身養心最妙又一法渴消渴名神功飲總到人家遇渴疾者便終此藥之令病者膨脹不思水甚妙

神功飲

生地黄

三兩

天門冬

一升

麥門冬

各生的一升

去心

大騏子

七枚

蘭花根

五兩

生瓜萎根

五兩

沖

右六品同入鉢內搗爛以水少引取汁入蜜一合令飲三

半碗至六半碗渴止膈滿却進一味縮脾飲次進五苓

散三五服導去水渴止如止用藥補下元清上焦此藥

甚効諸家所無以上治渴諸方俱備議論証源一又全

載大槩渴疾乃三焦五臟虛熱非真熱也飲水過多小

便頻數併毛髮枯髓竭精漏心肺乾裂津液頓亡蓋因

飲酒過多食啖煎炙及海味姜椒熟物加以醉飽房

事過度不節致心火炎上腎水下竭而枯患此依上施

治無不取効的以清上處下為法治忌一切熱毒等物

仍要節嗜慾病愈若得安大宜加禁也復有消腎渴一

症為房慾不節耗損

縮砂 草菓 粉草 烏梅 黃耆 人參

一方用扁豆乾 去人參黃耆

右以咀每服五錢煎冷服仍以黃連香薷散加烏梅瓜蒌

根煎入蜜一合冷服甚捷有大熱者併進

瓜蒌洗心散 局方 又用龍腦飲子

龍腦飲子 又一方有人參無甘草

甘草 石羔 縮砂 藿香 雞蘇 山枝子 瓜蒌根

右為末一錢大蜜水調下又用矮紫竹葉煎湯待冷調下

已上諸方治渴者具足但免絲子丸 局方 惟方交泰丹

主陰陽不交火炎水蕩上盛下虛男子消渴宜升腎水

救心火此良藥驗前效方可用于此

交泰丹 栢子仁 川練子 黑沉香 破故紙 人參

兔絲子 巴戟 遠志 各一兩 木香 小茴

肉苁蓉 嫩鹿茸 狗杞子 角茴 各二兩 茯神

牛膝 五味子 各五錢 葫蘆巴 三兩 石斛 童便浸

青鹽 三錢

右為末以酒糊為丸如梧桐子大每服三十九空心鹽湯

吞或腎元腎水不升華池枯竭故口舌焦枯飲水無度

所謂華池者即舌下兩傍出津液之所益有兩絲以繫

心心有絲以繫舌所以腎水升心由心升華池由華池升上舌復吞咽下以養五臟救水升火降而人身安和令腎水不能制心火心火止炎華池無津液是以竭也此治法又不可與前清上實下例者論法用綿附一隻去皮破八片以青鹽五文水中水二碗煮附子令透以水乾為度却取附子細切片就于所煮鍋內再用青鹽五文中為末用附子炒赤為度却下水四碗生姜五文中切片同煮至二碗入童便二盞如無只用病人小便二盞旋入名曰還元旋然後去滓取汁二碗就湯旋中退冷如水任意服之至下五隻而其渴自然止此法取姜

附溫補脾腎青鹽有潤溫下之功能生腎水以致心火更時以青鹽入口含化以引滋華池之水却用下部藥局方大兔絲子丸八味丸交泰丹三藥加青鹽一錢為末和丸每服七十五丸用山谷老人兔絲子酒吞下見方三因仍用前雞蛋蜜陀僧法壓下兔絲子酒法以兔絲子三兩淘淨酒浸一宿就飯上蒸熟下石鉢研爛如泥以好酒十碗洗出入瓦甌中渾熟醞之時取酒吞食後仍以寬中湯清上焦

寬中湯 苦梗 枳壳 半夏 南星 粉草 五味子

石斛 人參 天門冬 麥門冬

右剉五錢水一盞半生薑五片批把葉去毛同煎食後

臨卧服之立効

雞蘇散 此二方係前五十三號的局方

蘇葉 黃耆 阿羔 貝母 桔梗 浦黃 甘草

生汴 白茅根 麥門冬

雞蘇丸 北柴胡 木通 各二兩浸二宿聽用 生地黃 六兩另為末 黃耆 一兩

麥門冬 四兩 人參 浦黃 炒過 阿羔 各二兩 雞蘇葉 一斤

右用蜂蜜二斤熬入地黃末攪勻入北胡木通汁同入

攪勻熬成羔入藥末為丸

腰痛有虛實第六十一

痛者有因傷寒發表不透依然潮熱四肢疼痛連腰痛

者又當微與汗之不可太過但令遍身不潤足矣宜下解

表散後進敗毒散仍以洗心散 並見前 決可問安腹有經

絡積熱而痛者六脉必弦數亦與加味敗毒散更不退仍

以洗心散加羌活良心經曰有痛皆為實無痛即是虛後

有氣腰痛者由房慾不節耗損腎元而腰痛者先進秘傳

降氣湯加破故紙薤白連進七服次下大青鹽丸葫蘆巴

子丸茴香清娥丸 並見局方 又用山茱萸七十粒加感應

丸七十粒同下得利即安此症六脉遲而瀋者不可發汗

如已安只以秘傳降氣湯吞下青鹽丸或青娥丸調治然

降氣湯雖味味妙咀後更又着飯上蒸過煎服甚佳

夜夢遺精有虛實第六十六

凡二八童男陽氣暴盛故情動于中志有所慕而不得是以
遂成夜夢而遺精也其心脉數而腎脉瀦慎不可補清心
乃安但合以清心蓮子飲待臨臥而服之定志丸主之並見
局方亦有心腎氣虛不宜便補先為護養心氣安鎮丹丸
空心下養心湯吞交泰丹見前為固心腎二氣然後以所
主之藥治之宜養心

酸枣仁湯 人參 二錢 白朮 甘草 當歸 各四錢 川芎

黃耆 知母 酸枣仁 栝子仁 各四錢

右咬咀二錢燈心麥門冬束子煎下次進加味妙香散其
法只依局方藥味各成妙香散末二兩重加木饅頭末
一兩重更加辰砂射香研均和合臨卧割雄雞血調酒
下末湯亦可然後於局方兔絲子內加木饅頭蓮花須
鷄節酒糊為丸如梧桐子大空心吞三十丸鹽湯或酒
任下此病切不峻補合熱淫于內治以鹹寒方台

妙香散 辰砂 三錢 射香 一錢 人參 木香 桔梗 甘草
各五錢 茯神 茯苓 黃耆 遠志 山藥 各一
右十一味共為細大

滑泄一症或小遺隨尿而行或坐想隨時而出亦有童所血
氣充盛志不所遂而流溢者也其人雖有此病而顏色悅
也但有一症遇行房後清精冷流至一時不止此由關元
不固行房後關房外積水分合之所不故令冷精自流治
法金鎖鎮元丹鎮精丹並見局方惟本教大青藍丸更妙

見前慎勿服金石之劑仍用前加味妙香散調酒吞青藍
丸復有一症精不時而出是以搖動而精即流其人脚酸
面色痿黃或小腹吊痛此名漏精與嬾人赤白帶下一同
宜用四炒固真丹煎香煑散乘熱吞下仍進黑錫丹葫蘆

巴九附子理中丸灸氣海膏背須是自將息戒色慾十中
可保其一然有此疾終無去體也

丁香煑散

丁香

石蓮肉

各十四枚

北朮

七枚

黃黍米

半合

用藥煎去渣黍米煑粥食

濁症有三第六十四

病症于尿下桶內見之初放尿下尿桶之時如水之清移時
則變色如米泔澄在桶底如腐如石灰脚此病蓋由酒過
度耗損腎元又用志慕事多方計較致傷損心氣經曰小
腸為心之腑今心氣散則火不能生土土不固則脾受病
則土敗不能隄防其水而病傳于腎臟而致此症譬如一

泓之水本自清潔一有塵土混其間則所流混濁矣其脉
関前滑瀉関後洪大重按不應指治法須當理心气温補
下元然大要用藥當先理脾然後下清利之劑予採摭諸
書傳此諸藥數編用之無不取效矣夫濁証有三白者為
腎濁赤者為心濁黃者為脾濁治各有法用藥亦殊非可
一例施治白濁用本教大青鹽丸方見前空心鹽酒吞食
後下十四友丸炒香散束湯調下吞局方又用本教大料
脾藥前十全大補湯吞其千金湯中宜倍加茯苓白朮如
此三五日後却為清利早晨換用局方腎氣八味丸于中
宜倍加白茯苓鹽酒吞食後進清心蓮子飲空心用灯心

木通煎湯吞

養半丸秘方半夏一兩南星一兩生用

右合生用為末姜汁糊為丸梧桐子大却用猪苓半兩為
末以丸焙乾合作一棗包養之每服時取五十丸吹去
猪苓末以鹽酒湯空心吞下後再却以沉苓丹末調粥
吃壓下立見便清秘方入白粥渾溶啜下壓丸子立見
便清沉苓丹局方威喜丸修合不同堅白茯苓去皮五
兩中切成指大塊子堅木猪苓去皮五兩中切成指大
右二味和末合以瓦器用水二升同煮以猪苓造成沉下
為度却去猪苓用茯苓焙乾為末以黃臘二兩火上溶

下後末急攪乘小熱為丸如彈子大每用如前和粥
吃壓下養半丸此方治濁無不驗効養牛丸或修合未
便只以城市中間買青州白丸子以五苓散末養一宿
用之亦效終不若沉苓之妙也

赤濁第六十五

凡赤濁者有尿下桶內似血赤下面亦如石灰脚甚則有血
雜見凡此症上焦蓄熱或因事驚悸故小便赤濁亦由下
元虛憊心憊水火不濟法合升腎之真水以濟心之心火
則德愈之大槩用藥不同然與白濁不相上下補下元亦
用本教大青鹽丸方見前腎氣八味丸清上焦食後用清

心蓮子飲局方又一法治上焦熱用生料五苓散三錢
洗心散二錢和合煎服亦効此乃予先翁用之濟數人矣
後予依此方用治赤濁最驗其餘清利小便如前白濁症
一用茲不繫引

黃濁第六十六

黃濁者尿下桶如山枝子汁傾下桶底如石灰脚或有血點
凝結在內皆因醉飽後色慾不節傷脾損腎脾來乘腎土
尅水也致小便黃濁其脉脾脉洪數腎部微瀦合補養下
元宜四炒固真丹或曰真丹蓋此以蒼朮為主脾惡濕腎
惡燥蒼朮燥腎是豈所宜予曰蒼朮有起脾之功以鹽製

之則潤下作醃與腎相濟兼以破故紙茴香川練子諸藥
並用鹽炒則下潤腎上正脾一舉兩得况蒼朮有利便清
水之功毋執燥腎之說而不用也必空心服固真丹食後
服本教大料赬藥於中多加赤茯苓猪苓服之一旬却以
清利投之並如前無不應予下部亦不防以八味丸兼服
嬾人脚蒼有虛實第六十七

允嬾人兩脚欬赤作燒腫痛此乃血熱三焦壅滯血墜歸下
部結為倉疾早輕晚痛治法只宜用加味敗毒散服三日
後進鉄籬散並見前仍以大承氣湯利三五次却與前二
藥互換服併取經久水浸松木皮黃栢皮日乾為末却用

國丹輕粉雄黃歷青枯凡朋砂礮消細研為粉若有汁乾
搽無汁用桐油調塗之立効後以荆芥茵陳蔓京子生黃
荆葉煮水待冷洗之一日二次洗二次換藥已日可安若
婦人經水不調新血與舊血相搏遊出皮膚脚上生瘡癩
陷大如牛眼四傍赤暈或出鮮血或出濃水者皆不可如
常用藥宜服本教大通真丸温經湯膠艾湯並以温酒調
下仍空心服本教大青鹽丸補經丸方並見並用酒調內
補十宣散吞四生丸並局方以上並空心服食後宜
消風丸 白芷 羌活 獨活 細辛 蟬退 姜蚕

防風 天麻 荆芥 川芎 當歸 石膏

荷薄 右各等分為末煉蜜為丸彈子大食後茶

嚼下二丸良久更以酒一盞送下如此施治無不

男子脚瘡有虛實第六十八

凡男子脚瘡實症者六脉浮洪數而小緊治法與前一全茲
不重引但男子下注脚瘡却與婦人不同其症則異初發
時自踝已上生紅點日久變黑色發癢搔之成瘡出水漸
至腐爛發陷與婦人一同但治法大同小異大槩此病生
于富貴淫慾之人立地用事精血下滯於是膝故發而為
瘡治法先投內補十宣散吞四生丸局方又服本教大料
青鹽丸大活絡丹局方仍用石灰以細絹羅過以桐油調

煉成健塊填在瘡陷中一日一更併進芎歸加黃芪人參

湯四物湯局方服前藥七日必定少干既減濃血却煎太

乙膏貼之局方其太乙膏要自制者妙雖煩人脚瘡亦可

貼膏中宜加白膠香往年謝運幹有此病依此治得安也

婦人遍身大瘡發陷有虛實六十九

經曰婦人七七數滿受得陽氣住經太早而遍身發大瘡如
癱節成三四十枚者熱也治法如前其有經水適行而乍
阻者其脉多瀦而遲所致經曰經水虛行不依時或、阻
而不行流住四肢生瘡發陷治法亦與前同木饅頭煮水
洗之予往年為丁旦妻官氏一身生五十三枚瘡乘將死

而活其命正用此法也

男子婦人脫肉第七十 典前四十二章參同

凡男子婦人沾疾忽遍身脫肉者其症有數項不同一則日夜遇子午時發微寒然後發熱手足心潮熱名曰子午潮潮退遍身出汗令人日久脫肉一則遇夜睡中遍身出汗名曰盜汗日久令人脫肉一則赤白黃三濁小便遺精桶底澄之如豆腐如石灰名曰便濁日久令人脫肉一則發嗽吐痰日夜或一二碗吐出又兼自汗名曰勞嗽日久令人脫肉一則憂愁思慮思慮則傷心傷心則血逆男子為亡精女子為失血甚則日晡生往來寒熱盜汗不進飲食

名曰七情傷日久令人脫肉一則色慾不節耗損腎元遺精走泄或夜夢鬼交名曰心腎俱虛水火不濟日久令人脫肉已上諸症凡是四肢瘦削者此中心之患一則病人多至六脉洪數而濇虛浮而洪重按則無力指下三投而呼吸侯應不定前所以治法不可拘泥當採其源而治之子午潮先用本教

大秦羌散 當歸 川芎 白朮 茯苓 羌活 地骨皮

白芍 知母 各五錢 人參 三錢 官桂 秦羌 六錢 去蘆

生地黃 六錢 麥門冬 一兩 去心 甘草 北柴胡 去蘆 五錢

右剉等分每服三錢生薑末子煎溫服次進交感地黃丸

交感地黄丸 生姜一斤 生地黄一斤

右二味各杵爛取汁生薑入地黄汁生地黄入姜汁浸一

宿焙乾用後調服妙二味等分入石臼內研如細泥爛

焙乾為末溫酒調下又進人參荊芥散局方五心熱進

清心蓮子飲局方本教菴皮散見前下部空心進二神

丸二陳湯局方鹽汗進養心湯酸束仁湯見前射香黃

耆散辰砂妙香散十四友丸並出見局方併進本教萬

全飲加小童便煎服諸濁症治法詳具六十四六十五

六十六章勞嗽吐痰者此疾皆心血熱而吐先進小柴

胡加生地黄五味子湯局見次進雞蘇散見前然後收

痰止咳名曰神功定嗽飲主之

神功定嗽飲 茯苓通草者佳 去皮二兩 遠志 去心二兩 姜汁制過

右二味各秤二兩中為末入金銀泊射香研和每服一大

錢用竹青桑白皮大青根皮渾酒調旋入生地黄自然

汁一合同服不十日進而痰嗽自止妙哉

七情傷者內因之病宜用七氣湯四七湯蘇合香丸大小

分心氣飲三和散流氣飲茯苓分氣蘇子飲並見局方

如症選用施治

心腎俱虛遺精走泄治法下部用本教大青鹽丸以木饅

頭渾酒空心吞服食後又用妙香散加味吞十四友丸

龍齒鎮心丹此宜上安心經下潤腎元元交泰丹亦妙
並見前 又一方用水仙丹最妙

水仙丹 山藥 茯苓 兔絲子 蓮花須 肉蓯蓉

鹿茸 蜀椒 熟地黃 山茱萸 綿附子

蓮肉 青鹽 各等分

右爲末酒糊爲丸如梧桐子大每服五十丸此藥不僭燥
應凡元氣不足之人皆可當服

肝不攝血令人夜卧不寧治法與上盜汗症同治已上諸
類脫肉等症治各例病源用藥有唯然遇此病皆常用
二陳丸與之進美飲食既進自然長肌肉也或逢復有

一人至見授此病人諸症俱退惟肌肉不生者取大
狼去皮精紫飴烹饌任意食之總十數箇肌肉頓復如
初試予常思鼠吃米谷精紫亦淨可食姑存以備用

治挑生第七十一

挑生者江南無之惟深廣之人用之以害仇隙者其毒藥隨
飲食投之以害人性命如雞肉中投之如有覺者則終不
食雞肉則無害終食雞肉則病發腹脹如蠱膨醫者不識
作腫治之非也此病無他藥惟雄毛肉最妙予往年處館
于寧都寨官陳家平溪南安人專吃啗食猫肉以此食之
予初不覺而食之如狸肉繼而得平溪見教謂此物能治

挑生所以入廣君官者必須常吃此物庶挑生不行也時
寨側恰一人自廣回受此害醫者作腫治之無效平溪令
其人食猫肉初食一個覺消再食一個未盡忽一晚下血
塊血盡亞一斗而病即愈安此予自親見之諸家方書無
攻所用故附于此以廣傳于後世之人也所患挑生者不
至於死亡矣

刻家傳諸症虛實辯疑示兒仙方總論卷之七

心痛有虛實第七十二

古人以真心痛為不可治但病有虛實如心引兩脇連背癢
而為痛者膈熱也治法以大柴胡湯洗心散次用黃連瀉

心湯倍加赤芍藥溫服局方仍用推氣丸見前若夏月冒

暑心痛惟黃連香薷散加大黃瓜實赤芍藥煎後入生蜜
一合沉冷服之立止仍用粟依枳壳扁豆煎湯調枳壳散
以洩其氣萬全之功但虛勞鬼忤及嬾人產後去血過多
心虛發痛而迷悶者可於前十九章盜汗類選藥治之如
不効即不在治數乃真心痛也

鬼箭第七十三

凡人有两足或腰间背间生瘡成疽日夜則痛不可忍且時又發癢或以爲松皮或以爲癰瘡者皆非也此乃名鬼箭也蓋山林間有狐狸蛆作爾及死在草木間脫曉露最毒人有赤身而傷之者其毛飛來射人入毛孔中即成瘡疽其毛入肉中自一生七自七而往不可計數既是以成瘡久則損人名曰鬼箭治法煮湯一釜先下清油一兩中同煮數沸却下醋半碗再煮數沸傾出盆中以此患瘡薰之候溫洗之瘡上汁滅並用洗去淨潔却以清油浸灯心一束撚乾油就將灯心鋪在瘡上却以衣被覆之候一二時以猛灰火一爐盡取瘡上灯心置火中燒之其灯心入火爆聲如麻之可畏如此燒三五次以灯心下火不爆爲度而止以其痛亦不痛而自愈却住痛用

愈安散 黃栢皮 赤芍藥 大黃 黃連 五倍子

已上爲末再入后藥 白礬 雄黃 焰銷 白膠香

朋砂 歷清 輕粉 國丹 水銀渣

右以後九味研成粉和前藥末調均有汁乾捺無汁用清油調塗一日一次洗一二塗七日可安也

翻味吐食第七十四

翻味者倍謂之博食朝食至晝吐出晝又食至夜吐出此疾

乃脾土不尅化胃氣虛寒痰上膈胃院宿食不化下凡患
此者少得安除予間醫好數人治法先以谷芽麥芽煎湯
調五膈寬中散食罷以白米糖丸平胃散局方以棗二枚
去核丁香三粒束肉中紙裹煨餉取棗和丁香嚼以丸子
入口中用熱水送下仍服十八味丁香透膈湯局方加熟
附子同煎服然得安者倘再發無生矣另有方在別本

鼻血有虛實第七十五

凡衄不可以一槩施治四肢熱面赤發燥六脉洪而數六七
至者此乃邪熱中於三陽清氣道閉塞濁氣道湧泄血循
氣上行爲鼻衄雖是鼻衄不常而血終不多出此治法

先以小柴胡湯生干地黄湯解其半表半裏次進生料清
心散用白茅根竹青同煎下仍進枳殼散以通其氣局方

又不止用黃芩二兩中山枝子四十九個右以二味火燥
煨存性勿令烟絕以粉草和之爲末濃磨金墨汁和五錢
以井花水調作三服飲之立効仍以白茅根竹青煎湯調
五苓散枳殼各半散五服即通其氣利其水經絡通踈而
血不作矣亦有衄血頭痛四肢熱甚者又宜用小承氣湯
宣下然後如上施治若病人金不熱而衄血至三五碗或
成盆者此名陽虛陰結血無歸宿如水泛溢而衄妄行經
曰血生於心而藏之於肝朝于腎而達於四肢今肝不能

稱攝血氣不疎通故氣不能行其血氣壅結于中腕而為
衄矣治法以前用藥不同大抵心為生血之源法當先定
其心宜用辰砂妙香散或射香黃耆散以白雞冠花煎酒
調下次以酒渾芎歸湯調黑神散或膠艾湯立効局方不
止更進雞蘇散又不止用本教蒲散見前併以溫酒爵下
雞蘇丸仍服本教萬全飲養榮湯見前及酸棗仁湯十四
丸局方大抵只一味自心經收斂心血無不作效矣又一
法山甜茶單煮要取濃汁飲之最捷妙方在別本

噦症有虛實第七十六

噦症者病人喉中發聲作噦也其病在胃經病人發熱以作

者此胃熱也雖噦而無物出於口只乾噦而出痰也用
小柴胡加姜煎竹茹湯立止此病多是大小便不利而致
仍以大承湯利之又以五苓散導去其水復以導痰湯溫
膽湯去其痰必安全矣若其人本無噦症不當下而誤下
之或中風寒濕三者下之太早致胃氣寒而上逆故作噦
此乃醫者不明虛實用涼藥過之多胃寒而致仲景以小
青龍湯去麻黃最良然后用本教正氣湯見前甚則加木
附人參湯附子理中湯理中丸五膈寬中散和胡椒湯丁
香煑散又用橘皮半夏湯爵送下大理中丸又不止以真
武湯取去中有乾姜故也局方大槩治噦症最宜進五苓

散以導其水下此五苓先用金沸草湯調旋入生姜自然汁一合益少許同服甚妙

咳嗽有虛實第七十七

經曰肺主身之毛孔人有夜起通便後不常為冷風傷於膚腠之間即令咳嗽此風邪由毛孔而傷於肺經明矣忽遇患此宜金沸草散倍加去節麻黃少許汗之後即用小柴胡湯加五味子湯不止而連聲作嗽發熱喉中痛痒者更以大柴胡或承湯利之局方後以鴛管散治之

鴛管散

白礬

鴛管石

朋砂

辰砂

焰消

雄黃

輕粉少許石羔

右俱各等分細研蘆管透入口中嚥下即止若見日夜吐出濃痰成碗者非痰也心血熱也故嗽而成痰不可多用南星半夏用此則抽過津液越見痰來反令作渴治法見前四十八章二十六章亦有膈上有寒飲發嗽而嘔者當溫解吳茱萸湯主之局方二陳湯參蘇飲導痰正氣湯並良大槩全在審虛實治之無有不効凡痰多痰張仲景以為難治但服藥后得痰活落者便有效可安之期也

喘急有虛實第七十八

中滿氣急聲如引鋸者謂之喘候倏然發熱而喘大便堅澀

額上汗出如珠者胃熱也屬陽明經脾燥胃熱土乘金傳
克于肺、脹痰甚故發喘宜先以金沸草散加麻黃表之
次以柴胡根湯解之又不可以大承氣湯下之然後却
以小柴胡加苦梗枳壳亭力大青根煎服瀉去肺氣仍食
後用人參清肺湯吞推氣丸更下鵝管石散見前如此治
之不日可安又有胸下痞滿者只是喘氣急者脾寒而喘
也經曰涎生於脾痰起於絕絡蓋脾氣絕絡俱寒故痰涎
合而上攻于肺治此喘又當用溫脾湯局方喘而有血者
用捲栢散主之

捲栢散

秘方捲栢

甘草

佛耳草

烏梅

桑白皮

鵝管石

右剉二錢水一盞煎食後服仍以正氣

散養胃湯參蘇飲二陳湯鍾乳丸王華白丹更空心以
黑錫丹加南星墜之併進來復丹半硫丸玉真白丸子
無不効但此病若見脉沉目直視而喘不相引者死候
也不在治數矣

悸証有虛實第七十九

悸症者心下惕然動怔忡而不能自安常恐而所畏大槩
此疾其因有二一則氣虛二則停飲傷寒汗下太過正氣
內虛而悸者等分大小建中湯主之若手足冷而悸者四
逆湯加桂人參主之大忌發汗若誤心悸而驚顛惚恍誦

語宜酸東仁養榮湯見前若水停心下而悸者茯苓甘草
加芩花湯主之不止二陳湯倍加茯苓白朮醋煮芩花立
効於金匱要畧云食少飲多水停心下甚則發悸是以悸
當治其飲也二者不同不可不辨也

渴症有虛實第八十

此論傷寒中渴非三消渴也傷寒一日屬太陽二日轉陽明
三日轉少陽三陽病俱為邪攻於表猶未大熱故無渴至
四五日少陽轉太陰邪入於裏而成熱漸次津液頓少故
咽乾作渴至五六日太陽轉少陰邪熱又深而津液干邪
熱所搏則渴又甚至五六七日少陽受病則邪遍攻於三

陰之間而熱極而渴已甚邪熱流行於三陽三陰
之間已遍經六七日而傳經已盡反渴而欲水者其病欲
愈故人與水浸而鼻自衄者謂之紅汗其病當不藥而自
安若飲水而熱不除亦脉洪數當依法治之宜用小柴胡
去半夏加瓜蒌根湯白虎加人參湯五苓散不止黃連瀉
心渴極者生料洗心散三黃湯活人書云若其人熱病本
不當汗下而誤汗下之一向汗不止瀉不住溫：今發潮
手足振掉而渴欲水者非真熱也蓋大汗大下之後五臟
津液頓亡華池腎水不升故口渴咽乾而作渴者此用藥
又與大不同治法合用大建中湯加五味阿膠煎吞青鹽

九升起腎水次服養榮湯和湯加烏梅煎又於宿脾飲
中加黃耆人參冷服局方不止多服人參黃耆三物湯必
雖如此分虛實治之方効

振掉有虛實第八十一

振掉者四肢怯然若寒悚然振動反致發熱則出汗又解九
傷寒本無此症因誤下後復為發汗名曰表裏俱虛益發
汗重則亡血先誤下則裏虛二者先後錯亂致亡陽俱虛
傳之不能自支故四肢不竟其振掉診其六脉沉微有六
七至重按則無力法合先投茯苓一兩桂枝甘草白朮各
一兩名苓桂朮草湯活人書次進真武湯黃耆九黃芪建

中湯蜜附建中湯朮附加人參黃耆局方本教萬全湯

湯見前已上藥並溫經益陽滋血助氣之劑決然有神効
外有一症傳遍至少陽經不傳三陰只一味誦語額汗出
四肢熱而成振掉強急者此乃陽明傳少陽極處正仲景
稱急下之症惟大承氣湯主之夫病在少陽今不治少陽
而治陽明所謂利陽明以養宗筋就陽明利斷則少陽自
和矣妙哉此用藥與前大段不同不可不審也非有仲景
之神見難以此語也

戰慄全虛無實第八十二

戰慄身之戰搖慄者心之慄懼蓋戰則屬於身外症也慄則

屬於心內症也其人本是表虛而有誤汗其人本是表虛而又誤下汗本是裏虛而又誤下外氣既虛內氣不守誤於一汗一下而邪中於表裏皆不能除故知戰者正氣勝也其脉一息六七至而况取不應指治法宜與真武湯吞黑錫丹木附湯四佳散三建之類局方仍於灸氣海濟下一寸三分或煉臍下五十壯以不戰慄為度宜數進前藥可也

厥逆有虛實第八十三

厥逆者四肢冷極也冷即逆矣然此症有虛實不可一例施治如病人手冷過曲池足冷過踝脊一向冷而不溫自汗內不瀉不時六脉沉微真四逆也此即嘗行木附四逆三

建真武等湯治之仍以黑錫丹安鎮下

局方

更灸氣海

以手足溫為度仍以蜜附建中湯活調治者若見病人四肢逆冷手不過魚際足不過踝骨其冷只在手足十指頭雖冷而移時又溫脰之六脉洪數甚則反復外症煩熱而燥大小便閉澀而腹痛者此陽明症也法當用大小柴胡行之甚者大承氣湯利之此症仲景之良法全在見識端的不可泛用藥後有所厥者亦冷也然厥而深於厥矣厥者手冷過曲池足冷過踝脚腕陽氣內陷熱氣逆伏故冷所以仲景曰厥深者熱亦深厥微者熱亦微此言熱深反厥深未聞其便投熱藥以為真冷也治法與前不相上

下弦不繫引

終

新刻家傳諸症虛實辯疑示兒仙方總論卷之八

鄭聲全虛無實第八十四

或以鄭謂之音解此鄭聲非也據愚見只全作鄭重之重蓋
鄭聲重者聲重而不轉也氣促而不正也其人當是誤汗
誤下表裏俱虛陰陽不升降蓋血無所歸宿將脫之症故
如此也診其脉當沉微而欲絕仲景說曰傷寒三百九十
七症而獨鄭聲別無症治此爲正氣耗而不全殆與語言
聲進者相近也非如誦語狂言者此也余每遇此症但於
下元以養氣丹黑錫丹交泰丹等却以養榮湯萬全飲吞
下仍以四柱散木附湯參耆湯服之五七日而愈屢試之

有効大抵此病皆因誤汗下而得之然下藥要仍等分不可首簡無不作効

誦語有虛實第八十五

譫語者有心虛而譫有心熱而誦不可一例用藥况誦語者多有所因或因以火劫而過汗或誤投藥而過下或去血過多或有燥屎在胃或亡陽心虛是數者皆令人誦語治法不同或無已雖有論而不言藥予按仲景法如火劫汗而誦者熱入心經只以小柴胡湯解之次下辰砂去桂五苓散可止若胃中積聚燥屎而誦者非大承湯不止見前局方至汗下太過去血過多及亡陽心虛諸般誦語皆當收斂

以血溫中養榮湯惟養榮最的當次丁醪棗仁十四友是辰砂妙香散黃耆散和湯藥全飲選而用之無有不效

見前然証亦可觀實者狂誦虛者細聲而誦時自發笑又有一症忽然得病口中一味自說皆平日所言事而全不答他人所問者死候矣又有中風不省人事而口自細語臉紅亦死候矣又目直視而一味自誦者皆死候也不在治數

氣短有虛實第八十六

凡上焦壅結發熱胸膈脹滿而氣短者謂之從邪在于上肺經停痰痞滿而咳即是實症若經汗下太過大病因弱而氣短者謂之損真氣不全心腎不交即是虛症實而邪在

于上焦熱壅令肺脹故氣短而促其脉必致而弦治法先用枳壳苦梗甘草湯類頻投覺較寬就加黃芩半夏紫胡瓜萎後又覺寬然後除進大柴胡湯二三服此病雖利切忌利之太早若胸膈不曾寬氣短依然下之太早則反成結胸如得胸膈寬氣不短却不妨以大承氣湯利之則病根可除若其氣不全腎氣不交其人困敗故氣不相續而短弱者治法宜朮附湯加人參黃耆吞養氣丹或養正丹次以沉香降氣湯吞黑錫丹依下双和湯萬全飲四柱散之類見前依此治之萬無一失慎勿用香附等耗氣之劑若誤用之耗散真氣多致夭命矣

瘈瘲有虛實第八十七

瘈瘲者筋病也筋急名瘈筋緩名瘲急則筋縮緩則筋伸伸縮而動不止者謂之瘈瘲瘈瘲本是瘋疾若傷寒病而生瘈瘲病者症有潮熱氣至極也熱極則瘋傷於經絡瘋動故令四肢生瘈瘲如鶻癩搐逆之狀者病勢已過矣多致不救傷寒病深瘈瘲急令利陽明大承氣湯主之蓋謂管宗筋利陽明以舒宗筋之謂然利之而脉弦者生促者死若中瘋瘈瘲而不省人事者亦不治之死候也

目直視有虛實第八十八

目直視者視物而精不動也凡病至于直視為邪氣已極其

侯最惡眇其脉常澁而微弱內經曰衄家不可發汗汗則額上陷脉急緊直視不能瞬動不得眠蓋肝血而能視令失血而又誤汗則爲亡狂肝氣既虛目故直視急宜益肝養血用芎歸湯養榮湯補血黃耆湯見前服之則目轉動便有可安若病人四肢冷狂言而目睜睜然直視者心腎氣欲絕也如此直視者死加以喘急者即死也或有目不了了睛疼不知大便難身壯熱而目直視者內實也急用大柴胡湯大承氣湯利之凡目直視者不在治數但睛下了而疼于尤爲可治之後學者須宜詳審之

自利有虛實第八十九

自利者不經攻方緣病自然而利自利而渴者脾虛也謂之虛寒自利其脉微緊自利而欲飲水者爲藏有熱名曰挾熱自利其脉數而實大柴胡湯要問虛實先須以分利水谷爲上所以五苓散自利要藥又以平胃散合和名胃苓湯渴米飲調不使小便多而其利自減若小便又不快利單用五苓散吞青木香丸局方試看小便多自利止然後却理脾虛即以大正氣散藿香正氣散與吞米復丹不止用香朴丸養臟湯吞下又不止感應丸推之局方若挾熱自利多赤糖色法用黃連香薷散黃連丸又用五苓散吞阿膠丸不止用九寶飲黎居士方又不止小柴胡倍加厚朴

已上一虛一實用藥有准外有沉寒痼冷自利者用附子
理中湯倍加厚朴煎吞黑錫丹仍服赤石脂禹餘糧湯又
不止如上用利小便法然後却以藿香正氣散加乾姜粟
壳人參黃耆附子無不中病又有三陽合病而自利一日
太陽與陽明合病自利病在表以葛根湯發其表二日大
陽與少陽合病自利病在半表半裏黃芩湯主之三日陽
明與少陽合病自利此又邪氣入胃必須大承氣湯再利
之方爲的當此宜用芒消大黃若用巴豆則虛矣此乃仲
景超世不辟之術深淺不同用藥有異誠詳審之

筋惕肉瞤全虛無實第九十

內經曰陽氣者精則養神血則養筋發汗過多津液枯竭竭陽
氣暴虛胃氣不全宗筋失養故惕惕然而跳瞤瞤然而動
也診其脉濡而瀋按重將絕夫以傷寒本無此症蓋爲不
當汗而誤汗之遂成亡陽故令筋惕肉瞤凡見此病切不可
可更發表按仲景先投真武湯木附湯通脉四逆湯局方
此法宜功厥陰經仍下部以黑錫丹鎮墜覺少定却以萬
全飲內加附子或於養榮湯內加附子黃耆多用此二味
取其能強筋骨而可取全功也予救數十人止准此法更
不妄投他劑而作效也

熱入血室第九十一

血室者謂諸血流會之所即衝脉是也衝脉者乃奇經八脉
中之一脉也起於腎下出於氣衝衝於血室男子皆同非
獨女人有之玉冰曰陰靜血海而去血此言衝脉至而血
海滿盈故媼人月事必依時動是知衝即血脉凡傷寒之
邪氣婦人則隨經而入男子由陽明而傳以衝之脉與少
陰之絡起於腎女子感邪氣自太陰從經便入若男子直
行自太陰傳陽明內熱方入故衝熱則血必妄行在男子
則下血而發諸女子則經水遍行而作斷男子發熱脇下
滿如結胸狀諛語者亦名熱入血室女子中風寒發熱如
癡狀諛語者亦名熱入血室仲景並以小柴加生乾地黃
湯主之其或兩脇下痛即當刺其門穴二分其刺穴之法
男子則垂乳頭下二寸女子則垂乳內橫紋爲的穴也

發黃第九十二

發黃者眼睛黃遍身如枝子刷其小便亦黃如枝子汁其名
曰黃疸古書有暑疸穀疸酒疸濕疸之異名大槩內熱既
盛復外以被蓋盛火却汗兩陽相薰灼者必發黃最是人
人有冒雨遍身衣濕更不脫去只任就身以火炙乾極致
發黃陽明病被火劫去額上汗小便不利者必發黃蓋寒
濕在裏不解忌發汗甚者汗出染衣皆黃治法以利小便
爲先所以生料五苓散加山茵陳山枝子爲要藥若小便

少小腹緊滿枝子栢皮湯如或傷寒痰熱在裏而發黃者當表之麻黃連喬赤小豆湯主之已上用藥當並依前活人書而予以為服五苓散太過恐有賊腎之患莫若白虎湯加蒼朮湯為妙如汗多者黃者防丰湯茯苓分氣紫蘇飲木通湯若身躰目俱黃脉來遲而濡小腹緊滿小便利而反發狂者是又下焦畜血抵當湯主之活人書凡病黃疸鼻出血冷者不治黃而面垢如烟煤者不治目直視者不治黃而口痞鰲黑者不治取亦有黃色如燻煤色者不明者濕傷也四炒固真丹主之居士方其藥以蒼朮為主取其除濕也若黃而橘色者謂之熱言陳枝子煎五苓散吞推氣丸為良妙居士方此並無不效予已用之有驗

發狂純實症第九十三

發狂之症陽極所致內經曰邪入陽則強難經曰重陽者強脉經曰陰附陽則狂病源論亦曰邪並於陽則狂其狀甚則呼號歌曰唱奕衣而走踰墻上屋蓋熱病於心脾二經神不守舍而狂也凡傷寒發狂邪熱已極非大吐大下不除仲景曰病在上則越即吐也瓜蒂散主之用已吐其黃痰或用胆礬研溫水一合急灌之其吐痰丸尤捷吐後即以大承氣湯瀉痢下燥屎仍進全蝎膏見前又用辰砂一味名丹砂散細研井花水調下即其或狂而目直視者謂

之肝絕出汗失志狂言必死之候不在治救矣

霍亂不同症第九十四

霍亂者上吐下利交作也有因爵食生冷內傷脾胃又加外感寒邪所發也其脉必緊甚者甚者脉微絕治法用藿香正氣散加炮附子乾姜黃耆人參併進大料正氣散不止木附湯真武湯吞助丹又用陳皮半夏煎嚼送下理中丸又不止合爲升降陰陽丸不止乃陰陽二氣不能升降如何得止且宜用秘傳正氣湯吞來復丹然後却以所主藥治之或煎藥香朴附子湯吞香朴丸乃多服五苓散分利水谷必然之効也又有因中暑飲水過多暑氣伏于中脘卒然下利額上汗出手足冷其脉必伏即不可依前法惟水煎香薷散入水浸冷服吞泄者丸仍進五苓散有效之理如前藥全不可下症有不同故治亦有異法

畜血不同治第九十五

與外一百六章參同

畜血者有瘀血即於下焦不散令人小腹緊硬小便返快六脉浮而數爲畜血証大凡小腹緊硬而滿便問小便利不利即當與利小便五苓散吞青木香丸主之

局方若小便快利而小腹緊硬畜血証也宜下瘀血經曰傷寒有熱小腹滿當是小便不利今返利者必爲畜血也治法以抵當湯丸下之如外証已解但是小腹急結者俱用桃仁承氣

湯利之利下當見黑糞即下血也且向爲小腹緊硬一則當利小便一則當下畜血全在識明白不可一例治之

八卷終

新刻家傳諸症虛實辯疑示兒仙方總論卷之九

勞瘵不同治第九十六

病新差後血氣未平不自將理以身任勞而病復作故曰勞復然其勞復有四一有強力將重而勞力者有憂愁思慮而勞心者有飲食過度而勞傷胃者有房不節而勞血者此合四者皆謂之勞復總治大病將瘥后勞復者枳實枝子豉湯主之活人書若見傷食而勞復者就加大黃且枝子枳實湯則已吐之有不待虛煩懊懷之証作大黃則已下之有不待腹痛誦語之証經曰傷寒新瘥勞復更發熱者小柴胡湯主之脉浮者以汗之而解脉沉實以下之解

但房慾病後多因男女交接名曰陰陽易治法見前別有
症論其不易而自病者色慾肢傷氣也多至損滅可不慎
哉合用仲景燒裙散見活人方

鬱胃不同治弟九十七

鬱胃之症皆因虛極乘虛而作經曰太陽病先下之則不愈
又因以誤汗以此表裏恐虛其人傷鬱胃非熱也慎勿悞
作熱治若治以寒劑則喪人性命矣鬱胃有三狀心下不
鬱則昏迷不省人事移時又有大抵其症有三一則傷寒
汗下太過而成鬱胃二則病後氣血虛而成鬱胃三則婦
人產後去血過多自汗而鬱胃其脉三關俱微弱而瀉治
法皆當以先收斂心血為上策如養榮湯萬全飲大調經
散通真丸溫經湯皆可投之目又酒調妙香散黃耆散
最良局方以汗止則証定如汗不止終是鬱胃宜黃耆建
中湯双和湯倍加肉桂乾葛少加浮麥子煎立効經曰透
汗解肌無如乾葛竹青次之麻黃又次之乾葛以肉桂解
肌透汗其汗自止汗止則血還肝而歸欬于心鬱結胃自
除仍用二陳湯加南星除痰為上復有少陰下利頭眩而
鬱胃不省人事也死候不治矣

動氣症弟九十八

動氣之狀發於臍之四傍築築然而有動跳者是也凡入患

急動氣者慎勿汗吐則傷脾元益汗而吐後而復下一吐
聲觸動于脾傷損五臟是故動氣在左在右在上在下皆
不得汗吐下惟當自脾寬中洩氣之躋則此治法以栗衣
煎湯調五膈寬中散以宣其氣局方次用四炒枳壳丹正
氣湯局方又不老湯栗衣之說甚妙諸家方論具無
不老湯私方姜黃五兩細切香附五兩木香 甘草各五錢
右為末每服一大錢白沸鹽湯點服任用栗衣湯服之又
以破故紙九于后

枳壳十文中破故紙十文中任猫四十九個去翼足

右三味同炒以枳壳赤黃為度去班猫不用只用前故枳

二味為丸梧桐子大每服三十九丸栗衣煎湯食後服此
藥則下部洩氣而動氣不從下矣更制大料脾藥丸前見
此証成無已有論無治法予屢用前治法而取効斷不
四肢不仁第九十九候矣

四肢不仁者頑麻痺痛不知寒熱遍身屈伸多刺及他人搯
一搯皆不知其是曰不仁大抵人之一身以血氣均平為善
氣盛則足以行血今榮氣雖勝衛氣過少即氣虛少而血
無所依所以血不週流灌注此所以為四肢不仁也治法
用養榮湯雙和散黃耆建中湯萬全飲見前先為生養血
氣然後却用西州續命湯及以排風湯吞防已黃耆丸然

續命排風宜倍加乾桂黃芪茯苓去麻黃慎勿再用麻黃
發汗衣上調治久可保十分之五而終無全愈也

懊懷拂鬱第一百

懊懷者懊懷唧噥之義也拂鬱者拂亂鬱結之義懊惱內氣
也拂鬱外也不舒不暢心下憤憤憤然自無曉會處睡坐
不安穩由表未盡而攻裏太早陽盛陰虛內陷結伏於胸
膈之間而有此症仲景曰表未解醫誤下之必胃中空虛
客氣動膈心下懊懷又曰下後亦煩心下懊懷又曰下後
益煩心下拂鬱是知陽氣內陷而有此症明矣治法以枝
子豆豉吐之以通結熱若陽明病下之而心拂鬱懊懷胃

中尚留燥屎宜以大承氣湯下之次用茵陳湯利之治法
以滌其邪熱則有可安之理 平 烏觀許氏本家方具載有
人已病過經久不解額汗潮熱其症狀喑喑默默徹日夜
不得睡時發一聲如嘆思煩結怒繳召許氏診其脉洪實
許曰內氣懊懷外氣拂鬱二証俱作也急下承氣湯與服
七服去其燥屎數十塊其人得睡煩愈識症明脉故用藥
的當學者宜察焉

舌白胎第一百

凡傷寒三五不解舌上生白胎始初白繼而黃繼而又黑是
也脉數者由太陽傳陽明陽明漸入少陽過太陽之症治

法用小柴胡湯加至大柴胡湯為病在半表半裏若心下
懊懣舌上白胎宜用枝子豆豉湯吐之蓋陽邪客於胸中
故也經曰傷寒七八日不解熱結于裏惡風發渴舌白胎
乾燥而欲飲水者白虎湯加入參湯主之局方若舌胎斷
黃熱結在胃已深故金匱要畧曰未經下者以治法當行
大承氣湯若胎上黃變黑者急以黃竹葉煮水灌漱刮洗
得舌紅者生黑者死黑為腎色屬水令見于舌屬心火火
是腎來乘心水尅火大逆十死不治然又當審脉症決之

項強第一百二

凡病人項強者皆表症也其脉多弦而洪大經曰太陽之病
項背強痛而惡寒無汗以太陽感風寒風寒則經絡不利
而項背強痛治法金沸草散倍力去節麻黃表之若汗出
惡風其脉遲桂枝湯加乾葛肉桂湯主之如無汗惡寒其
脉緊升麻葛根湯加麻黃湯主之活人書蓋有汗惡風為
表虛宜實表歛汗故為桂枝湯內加乾葛肉桂無汗惡寒
為表實宜攻表發汗故於升麻葛根湯中加麻黃二說甚
明而要斟酌金匱要畧曰太陽病項強脉沉遲者此為瘕
桂枝湯加瓜蒌湯主之亦有結胸項亦強者宜下之合用
大陷胸丸出活人方學者審之

頭眩第一百三

頭眩者頭暈也兩眼生黑花有時仆倒不省人事似鬱冒症俗謂之頭旋其病在少陽經居表裏之間表邪傳來漸入太陰表中陽虛故時又目眩大柴頭眩之症初病在太陽治者汗下吐瀉太過爲陽虛所斂經曰上虛則眩下虛則厥治法與前不相上下但頭暈則又當去痰再加芍辛湯二陳湯四生丸兼服功可十全矣

局方

心下滿虛實第一百四

心下緊滿者有太陽傳陽明不曾經下而滿者診其脉緊邪在胸中故心下滿而煩者法當上之宜服瓜蒂散如或脉浮而洪心滿者有熱在胃法當攻之宜下大承氣湯然夫

承氣湯却未易下凡心下滿者且與小柴胡加枳實苦楸瓜萎枳實牡蠣湯寬之更頻進本實苦梗半夏湯待心下不滿則可解之証寬解之然後方可進承氣湯蕩滌若心滿之症未除驟然下承氣湯利去其氣其人反浮結胸仲景曰傷寒本無結胸因下之太早而成結胸者正謂此也凡邪氣在表且爲攻表未應便下如邪氣在表而強下之一則邪乘虛結于心下故心滿痛爲結胸之症其脉反沉而緊心下痛按之如石堅者大胸滿湯主之

局方

如病在陽

明下之太早作結胸病在太陰不當下而下之者因作痞結並陷胸丸主之若傷寒中風誤下之見其心下痞滿再

下其病必愈甚此非熱也胃氣虛而客邪上逆黃連瀉心湯主之活人書云二症俱是心滿一為虛一為實最宜詳審凡傷寒十二日為一經一日太陽受病發大熱頭痛惡寒四肢頭痛小便赤渴過十一日其症初無變症又十二日如初無首尾只在太陽一經更不復傳治法只用麻黃湯攻之太陽攻之太陽自然安亦有不起于三陽初得病便吐瀉手足厥冷蓋其人本原虛憊病便起于厥陰宜可用附真武黑錫輩真直攻厥陰此為捷法並見活人書

腹滿有虛實第一百五

病有經發汗而復滿者有經吐后而復滿者有吐后不解血結在裏而腹滿者經曰發汗後復滿者厚朴生姜甘草半夏人參湯主之或太陽病誤下之過因而腹滿時痛者屬太陽也痛仍在表桂枝加芍藥湯主之如覺中實痛者却以桂枝湯主之如覺中實痛者却以桂枝湯加芍藥湯主之如覺中實痛者却以桂枝湯加芍藥湯加減若經五七日大便不通大滿大實有燥屎是邪氣入腹裏証已深故腹滿且急下之合承氣湯發汗不解腹滿痛者邪氣入腹急宜下之如上少陰腹滿不大便宜急下之如上藥已上二病仲景三處皆深急下急下者謂不可更緩若下之小緩則病傳入腑至少陰而勢危迫必無救矣

凡傷寒汗吐後腹滿者血也
主之若傷寒下後心煩腹
主之大聚腹滿者有
吐者氣邪不正不可不

刻家傳諸症虛實辨疑示見仙方總論卷之十

小腹緊有二証第一百六

凡小腹緊滿有小便不行而滿者問之小便不快利而無阻
而小腹有滿蓄血也凡自心下滿而至小腹者是相實也
大陷胸湯主之小便不利而滿即尿澀之証宜五苓散八
正散滑石散木通散局方若小便利而小腹滿者此蓄血
滿也分曉小便不利今反利為有血也人曰小腹硬小便
不利者為無血也是知小便不利即為尿澀又非蓄血也
經曰太陽熱結膀胱其人如狂而血自下自下者必但小
腹緊痛而血不自下者可攻之桃仁承氣湯主之二証或

血或尿有不同治依上者証用藥皆作効矣

煩燥証有虛實第一百七

有邪氣在表而煩燥者有邪氣在裏而煩燥者有因用火劫汗而煩燥者有陽虛而煩燥者有陰盛而煩燥者經曰當汗不汗其人煩燥大凡太陽經中風脈浮而緊汗不出而煩燥者大青龍湯主之若六七日不大便其脈實牢逆腹臍痛而煩燥者有屎亦燥也大承氣湯主之若太陽初得病以火劫汗其人必煩燥不妨以麻黃湯之次用七寶洗心散涼解又有陽微而自額汗煩燥而不能眠小承氣湯下之復有潮熱經汗後下涼劑去過晝夜不得眠而煩燥者以屋遊行睡起不定脾氣不乖不嘔不渴復無表証脈沉微或六脈之大虛浮者指脈之沉重按指下則無力而絕者此乃陽虛陰盛之証用真武湯煎浸冷服未附湯四逆湯皆可下若少陽病吐利手足厥逆六脈沉遲煩燥欲死者吳茱萸湯主之依上用藥皆可然後用萬全飲調理之以上用藥並依仲景法度然後又須以証脈相參不可輕易應結胸煩燥者死發熱下利燥者死四逆利煩燥者死厥逆不得卧而煩燥者死又吐利四逆而煩燥者死四逆惡寒而蹇脈絕之五六日煩燥不得睡者死全在臨時審察治之無不作効

七氣有虛實第一百八

三因者以喜怒憂思悲恐驚七情之氣為因之病其症內有結塊始為在心間不治又上胸膈又不治上喉中有一塊如梅核或如破絮吞不下吐不出如此者皆七氣所致而痰為病之根痰隨氣上而成此証也大抵明虛實予嘗因官事思慮過多有得此疾自蓋此時則以酒過內熱不自覺依法以蘇合香丸七氣湯四七湯服之愈甚自診其脉而實遂以小柴胡湯進之頗寬以次日更以大柴胡一服下數行併進推氣丸和辰砂化痰丸各三十五粒和合吞下其病任愈

局方

夫古書以七氣湯主之其論曰七情傷

初無治療之劑大槩以半夏為主行以官桂潤以人參和以

甘草痰去而肺經其病自愈

易高

治法如此和劑方併以

四七湯相副而亦良但皆不言七氣証有虛實或內虛而發者信如上治法或內熱而發者則其治也固矣予自察脉通變而以大柴胡推氣丸

見前

化痰化而取効此四藥亦無非半夏化痰之功也

積氣痛有虛實第一百九

凡腹疼或築心而痛或滿腹臍上臍下而或傷生冷而疼者此真積氣也治法以平胃散丁香主散感應丸推氣丸主之併進寬中正氣散然有時服之而愈甚者不明虛實故

也察其人而色痿黃素畏生冷六脉緊而弦方可依上治法若見痛連滿腹及築心而痛口渴唇焦手足微冷脉數而小緊此乃裏實而痛也治法合行大柴胡尤痛不定者急以大柴胡而尤痛不定者急以大承氣湯中利之其承氣湯中倍加赤芍藥枳壳爲妙若只依上以脾積發痛治之非也復有滿起在於臍上臍下吊兩脇而痛者此腎經虛耗而痛治法見前茲不再述

心痛有虛實第壹百十

人有患心者非真心痛也蓋自大熱中日行來以熱酒飲之否則食胡椒姜豉辣湯又或因人以熱酒逼飲泡傷胃脘

其病非心痛乃胃脘痛治法以苗連香薷散加大黃赤藥煎去滓入密一合再同煎一洗傾出浸如水浸冷服之其効不止仍推氣丸或進洗心散又不止以大小承氣湯利之更用枳壳散加辰砂五苓散荷車前草煎湯冷調下無不作効只有鬼忤發痛者心氣不收斂心虛發痛惟蘇合香丸主之次進辰砂妙香散十四有丸酸棗仁湯一切收斂心氣之劑大效或有心胞虛寒發痛不自汗如珠服諸藥不效依前治法如痛不止者真心痛也從使靈丹難矣不進飲食有虛實第壹百十一

凡病後不進飲食察其元沾病症有虛實如何若元受病屬

三陽經乾嘔吐痰水潮熱如此者元病在胃經仲景謂此
閉膈之病閉則不得食膈則不得小便蓋用藥不透慎勿

確砂紅豆良姜等劑用此則發熱愈不進食只宜小柴
胡小承氣推氣丸見前次依元病下藥自然病退進食若

其人虛寒証原是脾虛橫洩四肢不潮自汗手足時冷胸
滿膈壅不思飲食此真脾困却宜進紅丸子不換金豆氣

散束肉平胃散四君子湯中加黃芪粟米白扁豆山藥名
八珍散服此藥開胃進食簡易服上藥若更無効則其人

脾腎俱虛宜進二陳丸局方破故紙四兩肉豆蔻各二兩
右為末以二味同束子四十九枚以生薑四兩切片同

煮去皮核以束肉搗為丸如梧桐子大每服三十九丸空

心鹽湯吞下又服

進食散 陳皮 青皮 白豆蔻 甘草 官桂 良姜

紅豆 川烏 訶子肉

右剉各等分每服三大錢生薑三片水一盞煎至八分空

心服下進三五服却能進食此方不須疑其熱但須要
見得是脾虛下之無有不効大抵食不進不可專主脾

困又當自腎元救起故二陳丸與進食散兼而用之取
効必然二藥論並詳易簡方

瘧痰總論一百十二

經曰無痰不成瘧無積不成利是知治瘧必攻痰治利必攻積予遍考覽書治法固多方亦備俱用之而無不速者不速者殊不知瘧痢亦有虛實故也苟不明其虛實妄意用藥其不作效者無恠也今予取瘧痢二症明其虛實而用藥不致差悞矣使不觀者易於採索云耳

瘧病有虛實第一百十三

瘧病有虛症而作寒者有實症而作寒者有寒熱似瘧者而非真瘧也有染於山嵐瘴氣而作者其症有後寒而先熱者或先寒而後熱者或寒少熱多或熱少寒多者最要察其虛實不可一例用藥假如實症作瘧太陽經中寒邪六

脈洪數微微發寒手足冷不搖振動良久大熱小便赤大便堅治法宜以用人參敗毒散中加大黃蒼朮先進之五七服即用小柴胡湯七服然後以大柴利之既得通利病當除不止非承氣湯不除利後故宜用辰砂去桂五苓散面香湯下又進推氣丸如此治之無有不安乙亥年瘧疾盛行予盡依上奏功亦不必用常山等藥截之自然安可劑或不止於喝住散投截之即安已上局六

喝住散

知母

一兩

常山

檳榔

各一兩
生用

甘草

一文

又一方去甘草加貝母

右以劉散每服五錢水一碗浸一宿次早就飯甌上蒸取

青汁空心冷服或用極熱湯泡一宿晨早冷服仍番滓
再煎於午前又服已上治瘧實症如前用藥萬無一失
凡作瘧症者診得有味來遲瀼或濡弱或拍然洪大按之
不足其人先寒後熱或先熱後寒發將止則自汗出小便
頻滑此乃榮衛俱虛外中寒邪陰陽不升降氣血不均失
度走世本邪氣與正氣分爭而發虛最忌用麻黃發表當
助榮救衛使榮衛後盛則邪氣自退亦不可妄用常山藥
截之太早則經一吐後其人本血氣俱虛吐後吐亂血氣
傷損經絡搖逆臟腑愈難得安循至于休息虛者有之凡
此瘧後汗出者即榮血不足之候也治法先用大料秦艽
散次空心進榮湯就用吞采復丹升降陰陽當發日早晨
進加桂小柴胡湯名曰等瘧散仲景云寒多熱少小柴胡
加桂寒少熱多小柴胡加黃芩寒熱多般則桂苓相等服
之則寒熱平分然後於小柴胡內增損就加喝住散服之
不覺而止却以藿香正氣散倍加黃芪人參凌香同煎就
吞妙砂丹反來復丹如汗更不止更服妙香散依上用藥
已遍病輕甦而時或又作不斷根宜服單附湯單烏湯無
不作效矣

秦艽 飲 人參 白朮 茯苓 粉草 當歸 地骨皮
川芎 防丰 木通 黃芪 羌活 白芍 鱉甲

知母 常山 前胡 北胡 秦艽 木香 五加皮
官桂 黃芩

已上熱多加黃芩寒多加桂如覺身軀疼骨痛加沒藥天
仙藤石楠藤 右剉一料作六十服姜末煎小便不利加
車前子熱多加苦薤根或以青蒿煎並不問他藥只久
服此以盡為度却進養榮湯見前等瘡散再進香茹散三
服局方加蜜一匙同服又進喝住散見前又藿香正氣散
加苓凌香妙香散局方單附湯以綿附子一隻和皮切成
片子生姜五兩切片同附子下窩內以水三碗煎只取八
分二碗以綿漚去滓取淨汁就露一宿次早當發日清晨

冷服其瘡根永除如是山嵐瘴氣治法合行不換金正氣
散中加黃耆人參仍以養胃湯局方於二藥中加喝
住散半錢同下妙單烏湯用川烏一隻與下單附製與附
子同法但附子理寒川烏逐風寒傷衛宜附風傷榮宜烏
以上用藥屢驗一按古書並予已誠之效萬不失一

痢疾有虛實一百十四

痢疾者皆因脾經受積既曰脾經受積必是脾虛寒有積而
成下得謂之實症然有所謂實症者以其人脾氣本虛由
大暑熱中行來中皖感暑氣發熱作渴飲冷水過度先致
脾虛水瀉次變成利外症發潮熱發湯小便赤色如此者

皆當先用參蘇飲三服表之次進黃連香薷散五六服或
腹痛不可忍者即於黃連香薷散加芍藥一分木通一分
同煎去滓淨入蜜一匙再下煎一沸傾出待微冷服如痛
少止即進五苓散十服分利小便則水下行谷道決然輕
減當若痢而其痛如刺者以五苓散吞青木香丸仍下烏
湯局方蓋血多者有熱宜進七寶散飲居土方辰砂五苓
散切不可便用栗殼若去裏結後重即用阿膠丸以黃連
甘草炒只壳赤色煎湯吞下當見少止即用斗門散五苓
散二藥和合煎服吞水浸丹三因方每晚下三五丸以烏
沉湯吞下推積丸無有不止若見下利純白亦先進參蘇

散表之次進真人養臟湯吞來復丹又下千金大養脾丸

併以水煮木香丸和豆蔻固腸丸加香附子煎服局方更

每日以水浸丹五七粒用五苓散吞下分利水谷如腹痛

甚者五苓散木香丸分利之局方覺少止却以茱萸連同

炒各半丸用 吳茱萸 二兩 黃連 二兩 去毛

右剉碎黃連成大塊二味同茱萸炒以黃連赤色為度傾

出紙上以碗覆之候冷擇開二味各研為末丸如梧桐

子大分作兩處赤者用黃連丸甘草湯吞下白者茱萸

丸乾姜湯下赤白相兼半而五花者二姜各下三十丸

和合以來復丹吞下若以五苓散吞下更好仍進香朴

九紫丹厚朴五兩爲籠末洒姜汁炒木香三兩候厚朴
炒赤色方入右以二味爲末丸如梧桐子大每服三十
丸米湯吞下又一症單瀉黑血無度眈之脉瀦此榮血
氣妄行流入大腸名曰胃虛血利法用胃風湯局方又
一症婦人產後腹痛而血利者先用烏沉湯次用四物
湯內去地黃加乾姜黃耆當歸粟殼蜜炒同煎下醋一
滴服又用黃連二兩切碎以石灰同炒令赤紫色去灰
爲末用雞卵碎頂傾滴出黃白置碗中下藥五錢攪均
又倒入原殼中就於飯上蒸熟剝去殼以刀橫切取方
塊空心米飲吞立效又有一症血箭射者此非痢也用

附子此緣氣滯防血妄行故也宜用

木香 順氣散 蒼朮 茯苓 香附 木香 厚朴 枳壳

烏藥 當歸 芎藭 蘇葉 甘草 人參 黃耆

右剉散每服三錢水一盞棗子煎服連進十服次服養

榮湯見前用白雞冠花烏梅地桃根馬蘭丹根同煎十

服即止又一症下痢血水如破魚水同滿腹痛小便不

行者先進雞蘇丸子十貼次用酒煎五連丸阿膠丸良

再論總瘡痢用藥第一百十五

凡治瘡不離常山便下常山而一服截欲住瘡者不是手段
治痢不離粟壳而一服欲住痢者不是手段蓋常山能吐

人粟壳緊澁亦能吐人用之大服候遭一吐則畜逆陰陽
二氣必發塞噫變生他症而病難安矣大抵瘧生於痰令
先治痰使瘧發漸輕進食無阻只為便用調養榮衛藥中
時旋加喝住散一錢入藥服不覺而止若是性驟用常山
截瘧方一發吐一吐之後陰陽錯亂不得即安戒之戒之
痢生於積合先用藥治積與調正脾胃進美飲食使痢減
番次而漸止或待粥食日進只自使用正脾氣藥內時旋
加入粟壳半錢則痢自疎減而得向安若急性驟用粟壳
則澁緊發嘔累氣畜逆痢不能安戒之戒之又喝住散乃
秘方常山生用所以其性最裂去痰然粟壳最要去盡瘧

剪碎以好酒醋醃勻却以鍋內炒令粟壳赤色然後再
用蜜量多少滴入更妙令蜜勻傾出攤于旋時加入藥內
同煎美哉

中風有虛實第一百十六

中風古方盡掃之於方首令予編八方綴之終蓋中風治法
自是一科與傷寒中風不同施治既是每一病必分一虛
一實則傷風傷寒自是虛實相對用藥自有等差予取此
二方証

凡卒暴中風手足輕弱不能舉動外症自汗者虛中風也若
手足強急口眼喎斜伸縮痛者實中風假令乍中風眼閉

不開牙關緊急口禁不省人事痰盛藥不得下急宜吐痰
用稀涎湯吐出風痰令人省語

稀涎湯

皂角

一條去黑皮火煨
那水半盞煎熱以

白礬

八分

膽礬

五分

研只
味另加

右二味研爛以皂角湯調灌之二盞退久吐痰必醒却以
青州白丸子一貼研爛以姜蚕煎湯灌下又用全竭膏研
爛以薄荷金銀湯調下灌却又方用蘇合香丸散氣併進
烏藥順氣散七服看其勢定且只為清痰踈氣不得驟用
風藥如中左中右只聽其壞一邊半身不遂俟其半不足
不能動搖而中風方定若大便秘結不得輕用藥利則若
不能言語亦且聽之但一面寬痰順氣使其醒覺人事更

進得飲食如手足冷者於烏藥順氣散中加熟附子又用
三生飲加姜蚕煎服若諸症稍定前藥皆不可止服漸進
解語湯使之漸能言語仍進帶蝎湯私方竹瀝湯投此二
藥言語漸出予足半身不遂以定却進排風湯續命湯姜
附煎加竹瀝服之已上踈氣消痰順氣之劑不可止仍前
頻服然後自製青州白丸子常保十分之五是終廢人已
上藥品正見局方

解語湯

羌活

防丰

天麻

人參

川芎

酸枣仁

官桂

井草

羚羊角

右剉散每服二錢水一盞煎入竹瀝半盞再煎一沸服之

竹瀝湯 治中風不能言語即解語湯

取竹瀝法用青竹竿每截一尺五寸砍作兩片以磚二片對立架竹在上中間用火燒逼其瀝兩頭流出用碗盛之待瀝盡以水浸冷入藥防瀝酸若有熱宜荆瀝用其取黃荆柴如前法取之荆瀝亦然

獨活湯 治風懿不能言語半身不遂

獨活 官桂 甘草 白芍 川芎 瓜蒌根

加防風 羚羊角

右剉散每服三錢水一大盞姜枣煎去滓入生薑汁一盞各同服入荆瀝竹瀝同服亦可

乾姜 黃芩 當歸 甘草

右剉煎入竹瀝荆瀝服之

大方亦名續命湯 治患風人久臥不起者

麻黃 石膏 官桂 杏仁 芍藥 乾姜 黃芩
當歸 甘草 附子 半夏 防己 枳殼 茯苓

右剉如前煎服之

大續命湯 治八風十二痺偏枯不仁手足拘挛不能屈伸

烏頭 白芍 防丰 麻黃 人參 杏仁 石膏

乾姜 正芍 茯苓 黃芩 官桂 胡椒 甘草

當歸 右剉每服五錢酒一盞半渾温服之

大排風湯和劑方治半身不遂口不能言偏枯不舉

防丰 附子 麻黃 杏仁 白朮 葛根 獨活

防已 當歸 人參 茯神 甘草 石羔 桂心

白芷 白蘇皮

右剉每服三錢水一碗半煎八分空心溫服

又方亦名排風湯治風邪中人口禁不語悶絕不起面目手足骨節腫痛

側子 升麻 犀角 羚羊角

右散每服焙成末以水煎貳服

大八風湯治中風人手足不遂偏枯不仁恍惚喜忘肢躄

烏頭 黃芩 白芍 遠至 獨活 防丰 正芍

麻黃 秦朮 石斛 人參 茯苓 石羔 黃芪

紫蘇 當歸 升麻 大豆 杏仁 乾姜 桂心

甘草 五味子

右剉每服五錢酒一碗水一盞同煎溫服日進四五服

芍藥 杏仁 麻黃 黃芩 桂心 當歸 石羔

秦朮 乾姜

右剉以升三升煎分作三服

凡中風舌強不能言語者以風中肝脾二經論辯在前今查

治法用附子此千金方竹瀝湯主脚弱不能行不進飲食

不能言者

千金竹瀝湯 葛根 黃芩 防丰 麻黃 升麻

官桂 附子 秦光 細辛 乾姜 甘竹瀝

右剉每服三錢水煎八分入竹瀝半盞再煎一沸服之
大竹瀝湯 治症如前者

竹瀝 人參 細辛 石羔 生姜 烏頭 防丰

獨活 白芍 黃芩 茵陳 麻黃 乾葛 防已

官桂 茯苓 甘草 芍藥

右剉每二服水煎八分入竹瀝荆瀝同煎一沸溫服

又竹瀝 治中風噤口不能言四肢痛不遂此方大有神効

竹瀝 當歸 秦光 防丰 乾葛 人參 白芍

防已 附子 細辛 茯苓 通草 官桂 白朮

甘草 右剉每服五錢先以竹瀝半碗漬半日下水煎

至八分溫服

大驚甲湯 主中風拘挛口不能言

驚甲 防丰 麻黃 半夏 白朮 杏仁 干姜

人參 石羔 甘草 犀角 雄黃 大黃 射香

薤白 烏梅 束子 赤豆 貝齒 吳茱萸

青木香 羚羊角 麥門冬 茯苓 白芍

右如煎剉每服三錢水煎八分溫服日進三服夜進二服

凡患中風人多熱宜服此二湯以解心脾之熱併治不能言者

二瀝湯 竹瀝 荊瀝 生姜 取自然汁

右三味等分和均溫服

又一方 竹瀝 葛汁 姜汁 右三味同煎服最妙

芋蜎湯 治中風口啞不能言語者大効

全蜎 三十隻湯泡去取吐中不繫取稍去毒已上並見千金方

右一味焙乾為末用青芋十條浸水冷調食後服

已上方治卒中風並是先治痰氣後下風藥惟古書每中風便劈頭下千金續命湯或者以為驟下此則風不中四

服出表既安後又再中所以先須疎氣消痰使病症已定

除去風 謂此說亦未為非近世盱江黎水月治卒中

風打頭便下續命湯其中多有增損又取西州小續命湯

服此二湯後方投和劑烏藥順氣散三生飲省風湯之類

此先後次第序各人攪變之不同也

烏藥順氣散 治風散氣 烏藥 桔梗 白芷 川芎 甘草

陳皮 白朮 麻黃 枳壳 乾姜 人參 半夏

姜添加 右剉每服二錢姜末水煎服

三生飲 治卒中風疾昏不省人事

南星 川烏 附子 木香 一方防丰 甘草除

川烏 附子 木香 此三味

右生用剉每服三錢水一盞半姜十煎溫服

省風湯 附子 南星 全蝎 川芎 防

右剉每服三錢姜十片水一盞煎溫服

大省風湯 治卒中風不言 南星 防丰 甘草

右剉每服五錢姜十片煎溫服

黎昏卒暴中風昏卒之間何者為治不過烏藥附子南星

木香等最為妙切用亦當審其人虛實然後投藥萬無一失

一諸方用藥皆相近但各有少差今集於三生飲下以便

採擇 一氣盛人但用星半湯 南星 半夏

又一方加人參烏藥甘草三味

右二味剉每服二錢姜十片煎服仍以酒化蘇合丸間有

風之人先宜服此次進治風藥

一氣虛人用香附湯 附子 木香

右二味等分每服二錢生薑十片同煎服

一法用南星香附湯 南星 香附 木香

右各等分生薑十片同煎服

一法用三建湯 附子 川烏 天雄各一隻 生薑六兩

右剉水三碗煎服

又方 附子 天雄各一隻 南星 二兩去壳 全蝎 半兩 生薑 六兩

右剉每服二錢生薑十片煎服若延閉牙閉不省人事口

禁不開最宜用之此是趙奉謙方

已上治方先理痰氣後驅風各各備具但中風人不省口
集不開合先用此搐鼻藥令其噴嚏甦省方可用藥施治
通頂散 黃躑躅 又一本用皂角 細辛 雄黃各一分

右二味為末研入雄黃搐中涎出噴嚏即消

一法又用開閉散

治牙開紫急不能言

細辛 皂角 半夏

右將為末搐入鼻中

一法治牙閉不開 用白霜梅肉擦牙更以菖蒲末安舌下

通心氣即効

八味順氣散

人參 白朮 茯苓 烏藥 青皮 陳皮

白芷 甘草

右水煎溫服加南星木香以甦痰氣

已上治中風編集諸方藥以備急用一之如前依古賢法
度以效之方不誤治病矣

凡中風人大便秘結為順度最忌大便不禁小便不收此為
逆証若中風之人大便秘雖十數日無害治法用麻仁丸
仍用火麻子生研取漿旋入白粥內服之又進蘇麻粥若
閉苦甚用四順清涼飲仍作蜜充用之良驗若自利頻併
為風中大臟急於順氣散內加附子厚朴又用排風湯續
命湯中去黃芩加厚朴茯苓服若有汗則於二藥湯內去
麻黃加乾桂乾葛黃芪當歸服若發潮熱口眼喎斜手足

強直而痛無汗不記人事亦如前用稀涎湯通噴散開閉
散却以人參敗毒散中加麻黃防丰黃芪荆芥連進五七
服更下透水丹局方全蝎膏見前常服只以敗毒散加防
丰荆芥亦善併進解語湯多服青州白丸子深久面自效
凡看中風症六脉浮洪而數弦長實開眼閉口禁牙關手
足強急把捉皆無害雖中半遂聽出手足上來尤可保生
延年若胗其脉遲緩而微無力外証目直視口開氣籠痰
涎盛四肢解放大小便不禁兩面頰車紅者必死之候也
不在治列

右治中風卒暴一編集于前依此治法萬不失一其或
危迫觀症察脉在臨期消詳大槩風候之脉洪弦數長用
藥調得脉平已有可安者一辛中風而脉遲緩非久安延
年之症習學者不可不察○寒中濕中氣中暑中各有例
于前茲不再具

千金竹瀝湯

治四肢不收心神恍惚不知人事不能言者

竹瀝 芎藭 附子 防已 人參 芍藥 黃芩
甘草 官桂 生姜 石羔 杏仁 麻黃 防丰
生葛汁 羚羊角

右十六味剉每服五錢水五升煎取二升作六服日三
夜三留滓併

予編集諸症一一分虛實其秤停用藥畫合平生覽通古
書經驗今取傷風傷寒居卷首以中風居卷終通計十卷
於一伯一十六章每章句解落定虛實用藥溫涼斟酌輕
重淺深明脉行于衆併末同開高淺之士訂正或足以助
聖朝好生之藥云

加減小續命湯

麻黃

一兩去節氣實者全用虛者用一半以威靈仙代一半

南木香

不見人

縮砂

人參

去芦

芎藭

甘草

防已

杏仁

去皮

桂心

防丰

附子

炮淨

白芍

獨活

上

十二味川烏

炮三錢

黃芩

七錢

右每服三錢姜五片葱三枚水煎溫服諸風服之無不驗

風湯 治風氣濕熱走注疼痛麻木不仁其脉浮弦而緩不足之症也

人參

白朮

茯苓

當歸

川芎

芍藥

炒

柴胡

黃芩

防丰

荆芥

秦艽

杜仲

炒

表麻

一名定風草

細辛

羌活

枳壳

炒

甘草

各五分

右剉生姜三片葱一枚煎服 若陰虛痰火人加竹瀝

姜汁若氣虛加黃耆附子若口眼喎斜加姜蚕全蝎

溫熱脚重肢疼加蒼朮黃柏防已薏苡仁 各五錢服之

草烏

紅豆

猪牙皂

大半夏

白芷

細辛

鵬砂

治背癢先服一醉散次灸傳艾先生方

白附子

白芷

細辛

三稜

右均分

酒煎服

治小兒腹痛

人參

黃芩

木通

各三錢

赤芍

七

良姜

乾姜

小茴

鹽炒

枳壳

柴胡

玄乎

此八味

錢

山藥

神曲

赤茯苓

各五錢

甘草

右姜朮牙谷煎服

萬曆仲春吉月

喬山書舍梓行

刻家傳諸症虛實辯疑示兒仙方總論大尾十卷終



